

天
啓
滇
志

滇志卷之三

地理志第

風俗

昔之言風俗以道里分今之言風俗以年世分百年不同風又百數十年不同俗譚景升元結所謂化也然有繇鄙野而化文物繇流漓而化淳厚者皇風翔洽在事賢達之教詔觀感為多又有繇文物而化侈汰繇淳厚而化藏愚者則五方游寓之爲也草訟詞走公府如鷺誘取子弟產業造爲蜚語皆此儕也夫本土之人漢與夷耳前所述已具晰矣凡世傳皇輿考諸書所言陋惡不興者皆夷

也。今夷且漸化，況於非夷。取考前西志所云：漢俗慈孝友善，相敬如賓，坐堂室中，聞小隊傳呼，輒起而立，非謾也。又據所見聞：昔先輩家居，多坐大門之內，後生不見，馳騁過其廬者，必呼而痛斥之。見則入揖相對，答禮有說，侍立肅聽，無說揖而出不茶不坐不送也。嘗見嚴恭肅於京師，問某子某字，偶不記憶，公訝曰：「今不以字行矣。」因舉其父游之字，歷歷道之。其父游亦以公字及後所改字隨而字焉。此皆古風，而何詎不可盡復。子言之，吾從先進表御間者，何如力行乎？若冠禮則己卯歲包司空見捷譚憲副繼統舉於鄉，皆未冠。巡按御史劉

公維爲行之學使孝感劉公伯燮潛江劉公垓蒲
田方公沅皆爲未冠諸生行之而士大夫家醢子
延賓三加命字往往有行者滇略以爲絕響未也
至於施衿戒女絲枲酒食之豫教多出良善之門
而喪祭之家卽至貧必有燕於禮者爲之掌記不
至愆謬合舉全滇大都同矣

全首

元日桃符門丞往來賀歲

春日春盤賞春以餅酒饋

上元之夕賞燈張樂次夕相將私遊携爆竹插香於
道相傳可以卻疾火樹星橋有古風焉

三月三日循往代爲修禊事

會城謁龍泉觀還憩石嘴莊爲臨江之飲江流曲
曲怪石挿江中長松滿岬各卽於其勝地大理以
是日爲市集五方之人聚天下之貨一月而退

是月祈年佛會

清明挿柳墓祭

三月三日謁嶽廟爲南嶽謁真武於西山羅漢寺或
東之鳴鳳山金殿或先期赴易龍中和山行兩日程
或負香之鄖襄謁武當往返數月

念八日謁嶽廟爲東嶽

四月八日浴佛獻烏飯

五日懸艾虎飲菖蒲酒角黍相饋

六月念五東松炬照田苗占歲

七夕婦女穿鍼乞巧

中元祭先於祠堂或焚冥衣楮鏹

中秋以瓜餅祭月

重陽登高飲茱萸酒賞菊各卽或有土菊馬以麵糰
諸果爲花糕親識相酬饋

十月祀先墓祭

長至相賀飲赤豆羹

臘八日作五味粥

念四日記竈送五祀之神

除夜爆竹飲分歲酒先少後老四更迎寗

冠禮民間以綢巾爲率名曰冠巾士大夫遵會典及
四禮簡儀及范氏統宗規而稍節約之亦以綢巾之
日舉行如古禮婚六禮各郡同省會有謝肯有求親
敦請止大夫四人於家讌而拜之至婦家拜致主人
意婦家讌之次日各往謝賓繇聘禮至親迎儀物豐
儉列郡邑各殊省城彩轎之盛有費至四五金者加
以彩隊巡撫李公壽爲方伯時申禁盡除之今間有
遵之皆喪禮尚奢在在皆然隆慶中按察使徐公拭
釐正止用櫛柳首而便至今遵之其他不能盡變也
祭禮民間以建齋誦經爲尚見行禮禮者非笑之謂

儉其親士大夫家如禮制以上郡邑各殊廬舍之制
與各省異者各省止用坂瓦此中用甌瓦相傳

國初頒賜特典以南中多風也若夫四時上塚成日
祭先煩簡之間各郡不同火化止行之夷民然百年
以來即夷民亦有卜葬昔前志所載不能盡拘市肆
以十二支所屬之日爲率如會城則寅爲虎午爲馬
之類俗呼街子過寅爲虎街也日中而聚日夕而罷
交易用貝一枚曰莊四莊曰手四手曰苗立苗曰索
按許氏說文曰古者貨貝而寶龜至周而有泉至秦
乃廢貝行泉漢書曰王莽時大貝四十八分以上二
枚爲一朋直二百十六北貝三寸六分以上一朋直

五十公貝二寸四分以上一朋直三十小貝寸二分
以上一朋直十不盈寸二分不得爲朋每枚直錢三
是爲貨貝繇是觀之漢時錢貝並行秦亦不能盡廢
之也貨殖傳貝五種大貝北貝公貝小貝不成貝不
成貝者不用惟大貝直錢多餘三種皆今所用也然
則漢末天下尚用之今所用者小貝之尤細者晉郭
璞貝贊云先民有作龜貝爲貨貴以文采賈以大小
簡易則資紀而不過蓋用錢則有檢選用貝則枚數
而已五尺童子違市而人不欺者其以此耶故曰簡
易則資也秦滅六國惟楚公子莊蹻王滇故楚獨存
秦雖使常頌於滇中略五尺道然未嘗厲秦故貨貝

之在南中獨不變者豈秦法未嘗入滇耶於此亦可
以考世矣嘉靖乙未滇人掘玉案山得大黃布刀製
如磬折衡重三錢考之泉志蓋王莽時鑄也然則漢
世之泉固嘗行於滇矣然泉不若貝之簡易不欺故
泉不永而貝至今以爲貨

此引前志所載云然也然磬折之製所未前聞昨
歲甲子又有鋤地得錢者其色盡綠其郭肉不甚
厚其方孔較他錢爲巨左右書五銖二字每程以
錢計考伍銖錢起於漢元狩間劉禹錫先主廟詩
有勢分三足鼎業復五銖錢之句是後晉鑄之梁
又鑄之皆曰五銖然皆所識字不知何時又滇中

凡葬禮俱以古錢入壙中斯錢也果前代通用而
今出之土乎抑亦人家所殉葬物也闕疑可矣

雲南府

氣厚風和君子道行之所係

聖祖諭言

鹽池田漁之饒金銀畜產之富俗奢豪惟文齊王阜

景毅相繼防檢遂爲善

常璩南
中志

人稟名山大澤之氣

子弟多穎秀科第顯盛

儒學
碑

民遵禮教畏法度士大

夫多材能尚節義彬彬文獻與中州埒

舊志

大理府

高山大川鍾靈毓秀代有人物

樊緯雲
南志

俗本於漢民

多士類郭松年大書有晉人筆意元中景科第顯盛

士尚氣節崇奉釋教俗多豪華舊志

臨安府

士秀而文崇尚氣節民專稼穡衣冠禮度與中州埒

舊志號詩書郡元志人多畏法火有不平寧棄不爭多受

清雅敬老崇文郡志昔云荒僻今豈其然閭閻比櫛道

路摩肩農駢于野旅溢於廬物漸華蕪賦罔逋愆民

風競侈禮制未專何以加諸曰惟教焉志贊

永昌府

呂凱等執忠絕域十有餘年守義不與交通臣不意

永昌風俗敦直乃爾諸葛孔明衣冠禮儀悉效中土一統志

士知向學科第相仍男事耕藝女務織紡騰越雖遠

閩西江衣冠文物並稱金騰舊志

楚雄府

土壤肥饒士人務學鹽井之利贍乎列郡故其人裕

而畏法楚緯志崇釋樂善元志地常孔道而不染於紛華

文教日興士風馴實

曲靖府

山川夷曠士風漸盛科第人材後先相望舊統志龜池

耕織兼事商賈習尚簡朴頗信釋教志

澂江府

士知向學科目不乏民務耕織勤生力本舊志士以勁

特相慕效恥爲毒蛇庶幾鐵中錚錚者

蒙化府

士人冠婚皆用家禮民間相尚以朴質飲食服用視

列郡爲儉

郡志

敦朴恬雅苦予土風之厚絕無浮誇盡

除靡麗

鶴慶府

文化丕興科第不乏

元志

義聚相尚有燕趙悲歌感慨

之風操觚摘辭亦以奇勝

姚安府

盡力畎畝家有常給氣習既遷人文漸盛

舊志

士大夫

樂談名理民間相尚樂施好佛以爲常

廣西府

士知鄉學民勤耕織風化漸行殊異風昔舊志

尋甸府

諸夷雜處習尚頑梗白人與居頗知向善置流建學
以來其俗漸改人文可觀舊志

武定府

俗尚強悍難治松皮覆屋簑氈蔽身交易用鹽近建

學較之後舊習漸遷舊志俗尚朴魯士民勤業駸駸有

首會之風志草

景東府

民多百夷性本馴朴田舊種秫今皆爲禾稻昔惟緬

字今漸習書史民風地宜日改而月化舊志

元江府

地多瘴癘檳榔啗客家藏積貝日春自給四時多熱

一歲再收境內皆百夷性懦氣柔惟酋長所使舊志風

氣漸開日見漢官威儀但庠序寥落社讀幾廢志

麗江府

衣同漢制俗不額澤板屋不陶焚骨不葬帶刀為歸

境內夷麼些古宗或負險立寨相讎疑以為常節令

飲饋與列郡同志

廣南府

儂人沙人男女同事犁鋤構樓為居男服青衣曳地

賤者掩脛婦綰髻跣足好巫不好醫恃險剽掠時相

讎殺

舊志

順寧府

境內男耕女織鮮習露字九種雜居相見屈膝不拜
信鬼以雞骨占設流之後漸化漢俗

舊志

永寧府

郡中多麼些蠻朴野而勇厲山居板屋俗皆披重氈
盛暑不去郡轄四長官司皆西番性最悍隨畜遷徙
又有野西番者倏去倏來更不可制

舊志

鎮沅府

郡多棘夷信巫鬼輕醫藥婦勤耕蠶無以暇產子浴

於江舊志

北勝州

習尚朴野勤於耕織置衛建學後境土不驚人文漸
盛惟五方流移之人聚黨搆訟境內夷類挾弓弩以
採臘爲生菰菜俗尚氣力勇厲善戰不離金革三日
爲市咸集城中重酋長輕性命是以不及於亂

舊志

物產

聖人言賤貨戒貨殖舉聖王不殖貨利今往往至
稱馬客有難者曰有是言也不曰貨財殖乎宜乎
前史有傳而郡國有志滇之產或鑿竅於山縱斧
於石或涸水而入龍蛇之幽宮或跣足而走嵐瘴
之鄉冒虎狼之險貿而得之皆長物也滇人無所
用之五方良賈賤入而貴出利之歸本土者十不
一焉銅以供天下貿易近爲國法之府而本地又
自以兼金易紫其其價日益月增欲滇人無貧不
可得也又其半則四方行脚方士釋子墓緣者取
給焉曰宇內一切真人一切出世佛皆繇滇出欲

滇人無好佛好玄不可得也夫有是物而無所用
猶可言也又有無是物而冒其名如黃金者不可言
也所存乎志者亦聊以見方物也乎

雲南府

六府後穀其生於五行乎八政先食於養人至切矣
是以志物產者必首穀屬也楊泉物理志曰梁稻菽
三穀各二十種蔬果之實助穀各二十凡爲百穀賈
思聰言粟之名或以人姓名或觀形立名亦有會義
爲名今滇中五穀之名多出於農家者流而其義倣
古昔即未盡雅馴亦貴因矣今其名稻有青芒有長
芒有光頭有黑穀有金裹銀大香小香毛稻白線紅

線黑嘴紅皮鼠牙雀皮白鷺鴒翎黑麻黃皮香杭三
百顆紅纓糯亦有黑嘴有虎皮響鼓柳葉亦有香糯
麻線飯油烏白圓紅大小皆曰糯黍有黃紅白小黍
長芒黍蘆粟灰條又有稷蕎有甜有苦稗有山有糯
麥有大小燕玉西番菽有蠶飯羊眼黑黃白紅菜豌豆
茶褐青皮鼠皆曰豆菜茹有蔥薤蕨芹茴香蒔蘿王
瓠白芥苦蕒薤蒜魚芎藭豇豆紅白扁豆芡菱生菜
苦菜菠薐蘿蔔有白有赤赤質而白心有自皮至心
純赤者滑莧薑蒿茹香椿麥藍甜菜別有馬豆或曰
即蜀之巢菜或曰即北方之苜蓿惟澁江一郡於初
芽時採為菜餘即間有之青時以飼馬故曰馬豆兒

童就田間採其角去其實群吹有聲鏗然相應瓜有
東西王絲菜苦黑金銀香青瓢皆白瓜薯芋山藥由
灌園而出者形如虎掌俗稱雲板山藥寔蜀蹲鴟之
類也山中自生者直而長甘不及京師而細嫩過之
售於醫者襲懷慶之名而入藥紅白紫皆曰蕢菌有
木耳香蕈青頭牛肝松菌白森雞蔓一曰雞菌莊子
曰蒸成菌焦弱侯著莊翼林馬騰越志雞蔓菌類雞
以其形言蔓飛而斂足貌藥有茯苓陳皮靡草遠志
防風烏梅桑白皮茱萸荊芥梔子槐花瓜蒌松脂草
決明薄荷葛根菖蒲紫蘇香蒿白芷鼠黏子當歸黃
精何首烏黃芩柴胡艾香附子罌粟殼益母稀荑白

芡車前子金櫻子半夏山查楮實子草麻子旋覆花
五葉草形如菊葉已毒瘡走炙方人恒携以隨咀此
草覺無味皆知中蠱矣急服其汁而吐之箭頭草和
鹽杵之消惡瘡鏡面草和故葉水煎酒服之治女月
閉果有桃以富民爲佳大如茗盃味比萍實晉寧之
梨秋霜後色若益而鮮味若增而甘至深冬而不絕
杏梅李栗郁李柿榴銀杏花紅多欖又名山花紅其
味酸澁蜀都賦所稱欖桃函列卽此香綠橘核桃松
子來禽木瓜枇杷櫻桃葡萄羊棗橙楊梅酸角形如
阜筴味酸食之多病瘰癧客親土荔枝魚花果栗
蔬有菱藕芡白荸薺茨菰甘蔗土瓜葛根香有降真

甘檀土檀冬青柏油化香竹有節蔥筋紫苔鳳尾觀
音濮猫頭釣絲毬箭水竇心斑竹巨竹出易門蒿甸
窮山深箐中其竹比常加倍數尺一節土人云更入
箐深其種尤大然不敢入也夷語名竹爲蕩合於禹
貢篠簜之音山海經稱舜丘之竹節可爲船近是歟
然不可強附也木有松杉椿桂楸栢槐柳梓細松黃
楊棠梨桑柘花有葵萱荷菊木犀芙蓉刺桐俗稱鷓
哥花樹高數丈多刺其色丹形如其名開以星回節
至巧夕乃謝茉莉鷄冠鳳仙剪紅羅水紅棠棣花色
純素芳以春採爲蔬茹亦以佐茗芍藥海棠牡丹西
粟花有紅白黃紫四色素馨薔薇玉簪瑞香蝴蝶

11

近又有三尾魚具五色亦有至四尾者與陳眉公繼
儒譜同蟲有蝶蠅螳螂蟋蟀水蛭虻蚊蠹牛蜥蝎
螢火蜘蛛蝶青蜓蛱蛭蚓螽斯蝦蟆青蛙蝌蚪斑猫
蜈蚣蛇虫螭虎守宮螺螄蟬蜩蠹蝓蜂虻螂物貨有
火麻紵麻綿布綿紬烏帕草蓆蜂蜜蠟錫糖

大理府

東西二十城其產雖各出而臭味同焉今以會城爲
率而諸郡之同者略異者書以省繁文在葉榆者穀
屬有白粟豐糯曰烏曰紅曰油黍曰蘆粟麥曰禿麥
稗曰龍爪鴨爪蕎曰賽蕎菽曰獅子蟹眼蔬曰蔓菁
高河白芹萬年萬苳陽和枸杞花菜龍鬚石花瓜曰

東西甜苦薯曰紫白紅蘋菌曰雞菱柳松黃菌藥曰
大黃貝母防已木通菌陳百部百合藁本仙茅草薤
蓬木商陸牽牛當山狼毒藜蘆白欬澤蘭紫苑款冬
地榆茯苓葶藶牛膝橘皮紅花玄參五味薏苡地黃
威靈仙枳殼龍膽草續隨子鶴虱桑白皮白芥子覆
盆一枝箭山茨菰香附子地不容桑寄生牛蒡瓜蒌
果曰香柑銀杏山櫻多羅蜜苴甘亦名土橄欖四季
皆實卽餘甘子可柔金宋廣雅公有鵝梨帖云河朔
鵝梨五十枚南詔餘甘子一桶上方尊組報答春光
之勝亦或一助卽此以上多竇居所產如香附子香
柑等類色色俱佳蘇曰菱藕茨薺香有降真紫榆桂

皮芸香竹有觀音鳳尾紫斑箭祥水有檜樟和夜合
紫荊桑柘馬櫻椶櫚旃檀觀音柳紫桤木花曰山茶
郁李絳桃小桃牡丹薔薇良薑茉莉地湧金蓮西番
蓮龍爪白鶴長春蘭扁竹木犀杜鵑水仙芙蓉石斛
禽曰鸚鵡松鷄錦鷄竹鷄孔雀紅嘴水鷄楊雀蠟嘴
玉頂柳青鷄鷄咽暗紅鷓鴣水胡盧獸曰蒙猪羴羊
兩頭鹿熊獺山羊野猪魚曰鰱金料葉玳瑁細鱗石
蟹鰕螺油魚膏如其名竹釘魚形如其名江魚長不
盈尺俗名工魚古韻本叶工也又載服食一類曰蜜
酥茶糕乳線酪酥蓬餌錫枝柜蕝螺彈蜜雪香筍藍
糯米梅粉荔赤豆粥松花餅楊梅煎鈎藤酒金櫻煎

餘甘煎紅花油茶子油核桃油省會未志而其品俱
有之物貨有紙筆墨扇蓆產趙州者佳可與蘇蓆埒
又有感通之茗鄧川之氈及洱海之紅布胭脂鉛粉
雕漆器物麂皮襪若夫點蒼石白質而玄文日月雲
樹山川鳥獸之形善畫者不能圖疑若地下有匠心
者爲之給舍楊士雲曰按省郡舊志皆洪武末年所
修不載點蒼石景泰丙戌修一統志始載之夫禹貢
所載惟服食器用而耳目之役不與焉梁州璆鐵銀
錢砮磬雍州球琳珣玕咸器用也點蒼石細玩耳工
匠之伐鑿終歲血指人力之傳送何日息肩君子不
以養人者害人况非養人者乎不作無益害有益功

乃成不貴異物賤用物民乃足巡按陳公察識請封
開民亦有利哉

臨安府

臨安又視大理之異同爲詳略今詳其異者金之屬
惟錫而玄鉛附焉穀分旱稻而別之菜茹曰蕪紅黃
蘿蔔萬苣春不老韮菜龍瓜藥有三奈黑白牽牛忍
冬藤常山薏苡仁馬金囊白豆蔻土芍藥覆盆子石
蘭根果有荔枝列郡不再覩甘蔗竄佳取其精華以
爲糖供全省需用石榴冠他產通海山查又雙絕也
又有檳榔羊桃紅果竹有節竹滑竹判竹方竹木有
椿檜楮萬年青觀音藤節密而堅葉赤而鮮土人謂

血樹花有十樣錦夜落金錢珍珠珮
菠羅花玉堂春
禽有鷦鷯鵲鶴白鵲黃鸝竹鷄獸有豪猪熊羆羊魚
有細鱗蚌蛙蝦蟆物貨有蘇木瓦器黃白蠟靛紙紋
布菠羅布烏帕紫石土硃青碌膽礬爐甘石綿花
五色又有攀枝花卽木綿似綿而柔更奇溫紫梗可
爲口脂

永昌府

永昌之產在通省獨多而奇然有取之三宣六慰緬
甸者遠之數千里據騰越志謂寶石瓊珀象牙水晶
綠玉黑玉催生石古喇錦西洋布哈芙蓉阿魏黑藥
孩茶不產於騰其語甚詳蓋祖仁甫氏所引楊士雲

屏石之論然今日

聖明在上遠地恬然蒞茲土者相尚以清靜寧謐一切如不聞不知祇以供五方商賈作無翼不脛自然飛走之奇獸已耳且旣已稱永昌產矣忍令埋沒不聞於海內今取前志所載錄其異者如左金石之屬爲銀爲鐵爲瑪瑙其土者奴之爲碧玉爲墨玉古賦所稱碧砮黃環又新都楊司隸宗吾者楊用修先生之孫也博物可紹家聲嘗談古詩瑟瑟曰卽寶石也引証確確曰琥珀相傳古松脂千年化而成曰催生石作盃以俟婦人產難飲酒催之曰紫英石水晶類也其色紫曰雲母石曰水晶不及閩粵也曰寶砂以

攻玉至五穀中之黑白早葉裡藏金所謂以形得名也者菰豆響豆而外無不同蔬之屬有曰緬茄云卽省會之白茄又有勺兒菜杞子菌有樹莪生深山古木之上秋雨盛而生曰雞慶甲於全滇取精爲膏曰蔓油一雜以醬油其味變如苗之有莠諸藥中爲商陸爲海金沙爲千里光鉅蒿草金不換草又如緬石茄之於目青花豆之於瘡神黃豆之於痘疹白龍鬚之於風疾用之皆立效而他書有謂不然者近郡人馬必叅蟬如作黔小志載之然皆滇產也竹木爲花斑藤條椶朴董椶鼠尾松白蠟楠梓杏葉櫟果爲芡實訶子黑果榧米蘇綿棗酸棗波羅蜜羊乳柿丁香

柿竹中山茶與省會並驅爭先其品三十有六杜鵑
之品二十郡人張侍郎志淳作二芳記卽二種為紅
山藥近年兵備副使潮陽黃公文炳自粵傳來今所
在有之為海石榴山桃蘭為玉朱為綠為金粟玉簪
為紫為秋海棠地金蓮番葵六月柿金鈴金盞番錦
十錦禽中為冬至為鸚鵡以十二紅知其雄十二黃
知其雌為鐵翅為關鷄為山和尚魚中為時魚卽江
南之鯖為金銀鯉為魷為比目瓦窰石雞石鵝食物
之品為香筍為藍糯為菱花菱實以佐栴櫛物貨中
為靛紙膠蠟桐花布竹布紫梗料絲綦料燈二種其
佳考列郡第一伯夷紉縹氈象柄書刀牙章竹麻紅

藤之外皆常有者參考勝越志續修於郡人黔司李
張邦教其人奇士也所載色色多奇字以識物之奇
如穀之類有箕子者可以作油焚林而取之傷生實
多水源涸宜加厲禁有樹窩者分青白黃三色蔽分
四色或黃或白與紅紫雜莢分青白二種甘蔗有黑
者櫻桃有苦味葡萄有出於山中者橄欖兩種一加
小字一加花字梧桐子家者小山者大一名山松天
下所共珍而默於郡志又云根即東瓜柵如杏櫨即
山桃機即山栗有大有小茄即土瓜柵即小栗蛇皮
果不知其似如云慈竹斑竹箭竹堅而理實竹中堅
苦竹作櫛濮竹作漁鼓麻竹取爲麻作屨作繩空竹

之葉大於掌即箬葉箭桿竹爲矢然皆此君之厄矣
又云深山古木不知名者甚多并分十二月正月茶
花曰坐馬櫻上苑胭脂單葉毬皆遍植如林二月茶
曰盛冬粧會城無此名五月爲蝴蝶蘭五色寄生古
樹石斛一名栽蕙蘭薺有三色紫綠根即山豆根十
一月爲童子山茶藍葉有大有小皆可取靛薦即寄
生落即馬鞭草強即鷄頭薇有二種有金絲荷葉有
老軍鬚皆藥草鴟鵂即布穀白鷺有大有小鷓鴣即翠
鴟即搏勞鷺即山鵲滇郡即叫天小鳥疾飛高自墜
而下莊子所謂搶榆枋也又有金金齒有冬至水鴉
及十二紅皆禽類鷺鷥有真鷺有草鷺不知何分別

蟲曰炤即螢火曰蟠即鼠婦蟻蛄即土狗又有蟹有
百鷄或禽蟲述所未及者藥曰蚤休即紫河車訶梨
勒即訶子黃雞藥一名軒轅草又名七葉一枝花
有名排風藤有名大薊根昌黎所謂醫師之良俱收
並蓄而侍用者乎

楚雄府

楚雄所產五金與鉛而銅為盛堅鍊密緻鑄器無幾
時筭之日中即凝為古色土人呼為栗色銅又有石
青石碌食鹽與鹽又有響石可以為磬穀之屬麥有
大小有火麥蕎有甘苦同黍稷之外有稔菽之類有
紫豆菜有滑菜瓜有越瓜薯蕷之屬同菌屬雞莖為

佳亦有滑茵藥之屬牛膝蒼耳紫蘇防風當歸地黃
天南星天麥門冬爲良果之屬香櫟子甚巨竹有蠻
竹亦有鳳尾木屬同而異者檜栴紫檀花之屬山茶
爲勝亦有金錢茉莉長春蘭之在廣通者葉大而香
遠可以紉禽之屬如鶯如翡翠如孔雀獸之屬如野
猪蟲之屬如穿山甲魚之屬如鮫如鯢如金如黃如
斑略與他處異貨之屬麝麝香火麻百夷錦洗塔銅
器鵝毛檮攀枝花綿布又有白蠟產定邊縣用爲浴
藥澤肌膚

曲靖府

是郡也山川原隰甚廣其殖甚繁然無甚異也取其

間有者表而出焉曰香瓜松菌皆蔬屬也石燕馬蹄
香骨碎補威靈仙紫花地丁續斷青箱子仙茅補骨
脂苦練藥也梨榛苦儲草果野葡萄果也梨爲勝檀
迤東之品山茶香蘭茶蘼瑞香玉堂春鴛鴦佛見笑
卉也山茶叢生葉單者採其實脂膏焉圓松胭脂木
水也鸛鷀鴟鵂翡翠鴛鴦山呼時雞大軍蚤回皆鳥
也兕飛虎羴羊蝟野偕野牛獸也獸中丘雉部封之
馬巨者狀擬稚象野處千群有司取以
貢上方必以長繩絆其足徐加繫維年余乃可馴剔
去馬尾骨二節名爲雕尾以此爲最貴也

徵江府

山海之利食土之毛在東邵中稱饒沃焉金石之屬如銀如銅鍤如青碌焰硝各因其土之宜五穀之屬又在在相同若黃黍若紅豆或盛他郡瓜蔬之屬如番瓜山薯如藕菱甘露如棗如羊棗如香櫟而松柏胡桃諸郡所不及梨不讓曲靖又有麪梨取入瓮中積草覆而壓之潤熟如麪橘與賓居伯仲之間竹木之屬如攢竹刺竹猫頭鳳尾如榉木棠梨紫榆黃楊藥品如兔絲草薛鍾乳石爐甘石皆他郡希有何首烏有最巨者花茉莉爲珍羽屬有鶴有鵲翡翠黃鸝魚有蜨螭夏秋食之可以禦瘴有巨首有石鰯有青魚其膳以藥目又至紙蠟氈布蒲席書刀貴賤不同

遇用均也是爲潞江之產

蒙化府

迤西之產各郡略同此郡之同而異者如穀屬之秈
穀冬春黍之赤黍麥之玉麥稗之米稗鴨爪稗菽之
羊目虎皮菜之麥藍龍鬚賴桐菜蕨蒿苳瓜之苦瓜
藥之仙茅麝自然桐果之訶子枇杷菰屬之芭蕉竹
之斑竹綿竹木之檜檟禾秣穉花之茉莉佛桑薔薇
長樂至於山茶在西方者俱勝禽之松鷄鸚鵡獸之
狸奴竹鼯魚之沙溝蟲之蛤蚧蜘蛛眠食之乳線積
滓酪澄晞爲之以爲素食名曰連煎物貨之鐵石黃
雄黃石青紙楮皮絲油皆小異於西而大勝於東

鶴慶府

穀之糯者曰珍珠曰松子香曰苦曰旱黍曰蘆粟曰
蘇子曰黃曰白稗曰旱曰糯曰鴨爪豆曰花豆曰刀
豆菜曰石花石耳蔓菁教珠茨頭菌曰天花曰竹藥
曰商陸黃精甘松麝香萬兩金一枝箭虎掌草玉紅
膏白龍鬚馬蹄香金線重樓果曰海棠雞栗榧子芭
蕉無花果竹曰青曰山曰溪水曰楮曰黃楊曰香樟
曰紫荆曰和香曰降真曰地盤曰甘檀卉曰金梅曰
薔薇曰山丹曰山礬曰掛金燈禽曰黃雀曰紫貝曰
秋鶡曰黑雀獸曰獺曰豪猪曰山鼠曰山驢曰野羊
曰飛鼠魚曰鰱曰蛇曰青銅曰陀羅紅物質曰井口

布曰鈕曰刀曰鉛曰銀其他色色大都與各郡所產無異也

姚安府

五穀果蔬花木藥品鳥獸蟲魚之類異他地十之一者梨有蘆粟樹有菌藥有天仙子桑寄生蘆蓄禽有鶴有錦鷄黃鸝白鷓鴣鴉貨有鹽有麝與蠟有木槎子降真香翡翠虎豹熊狐之草木羅之布

廣西府

穀之名類凡四黍二麥三蕎與稗之實各二款凡六圖之蔬十有四瓜分五種薯蕷三果實六菌六藥物之品五走獸二貨殖之利三皆他郡土宜所咸有者

其名不具錄惟函曹刀盾戰馬勝於他郡竹則有鷄
腿竹

尋甸府

穀之中有香稻焉又一種名早紹香別郡希見也糯
之別傳鼠牙虎草亦有黍稷有山間野蠶取繭絲而
爲布藥有菖蒲上品者九節何首烏有最巨者茯神
茯苓有長絲覆地上援絲得其處而斲之大者一人
肩負可勝三四枚而止曲靖亦有之然不數見其餘
別郡同者不勝書

武定府

稻粱黍稷菽麥與會城同而芝麻一種會城仰給其

價倍於精米菜豆價廉於會城其數迴別瓜有枕頭
瓜形長味甘花卉有衝天桃果有青檣朱李丁香柿
即羊棗又有香水泉春雨零而香發居人祭而後汲
以蔗漿酸角和飲之去疾菌之屬更盛而鷄菌美且
多禽中鸚鵡清晨集灌木者千餘又有竹鷄青鷄獵
者取焉又有共命鳥生窮山中人罕得見獸有岩羊
其他竹木蟲魚藥物同至於鹽鐵丹銅以充食貨羅
發鞞製輕妙而堅綴剡木爲鐙狀如木履其前可當
矢水轡韁皆草爲之韁之上又長三尺餘馳則以茨
繫則以維香首降真以供百神以佐清士之几案是
爲武定產

景東府

稻之名有八惟大香小香爲異糯之名有六其異者
亦惟香糯稗之屬皆同如蔬之名一十有八一爲松
又爲龍鬚至於卉中之百日紅獸類之貂鼠藥物之
石風丹又皆別志之市有者禽類之行鷄即白鷄尾
以飾文舞之器物貨之錠與紙以供本地綽綽然皆
城亦亟稱景東青紙青出於藍宜其多也又云梭羅
云羊肚布詢之知者云皆木綿爲之柔密亦可備衣
物之一種又云貝夫今日貝價之騰踊極矣安所得
取之景東又詢之知者云出枕龍江景東之轄土而
老撾之區脫地也如遠不能致何亦勉入以備儻也

日議理財者或反焉然所謂非常之原迂遠難行罷議而已

元江府

元江與臨安相距遠而氣候愈熱其產什九與內地同什一則遠近所未聞未見也若藥之麒麟竭木高數丈婆婆靖菁葉似櫻桃有三角脂從水中流出如膠結赤如血色又曰血竭又有鱗膽蘇木子可治心氣疾痛果之抹猛其樹高大葉長如掌實類芭蕉熟於炎月味穠甘酸核可爲小小木魚微擊之有聲久有波羅蜜果有紅綿鐵葉木兩種有降真紫檀二香至於象可以

頁可以戰青猿可當品藻山呼鳥譌之能爲百鳥音
又有枕中鷄形如鳩置之床頭每更輒如鷄鳴用以
警夜土綿之外有羅槃攀校二花羅槃罕見也有土
錦玉有犀玉玉之燕石耳井中布白褐皆土官之切
用者紫栴柳結實時封其園以犬血汙其樹土人云
不爾則爲仙人採唯空樹而已賈販出之供金湏用
而實糜金湏無量無益之費

麗江府

總計穀屬而下其類凡九其名三十有七皆間出於
他郡州邑其餘或秘不以聞於內地其間者穀麥蕎
稗彼中稱不毛者前志又無所不備則不知其解矣

獸有獵犬即旅獒之貢藥有牛黃丸紫金錠貨有絨
氈有噀叭香有摩娑盃刀有古宗白金每一金可當
常用之五有花馬石斑瀾類花馬又有青石可爲白
入火炮之投以細茶乳酪諸品百沸爲湯而石無壞
至於寶山州則有無芒麥其穗無芒而實圖蘭州則
有蹙牛尾可結巾帽人常用之

廣南府

物無他奇貨與近地殊絕者惟白面猿之所走獸所
謂本同如面也耶若夫苦子紫薑醫師用之良馬金
囊咀之飲水消暑草果亦可入藥卉有蟾花葉類水
蘭木有千張其實如扁豆中片片如貝葉輕如蟬翼

隨風颺去焚之爲灰可以已心痛山中草棘叢生其
枝顛皆有泥結如巨丸塗其中有蟲居焉不知其何
蟲也

順寧府

藥類中有號活鹿草者其名甚美不知所以用紅花
皆可用以染又痘疹之要劑果類猩猩即酸棗其仁
入藥補心血桐子或是岩松或是梧實不敢知竹之
類號濮竹百濮之人曾備周武之旅今以名竹其產
必殊藤竹者漆而爲杖甚蒼古又有垂絲竹產雲州
木之紫榆佳者不減鍊栗梧桐山櫻櫻櫚亦與他郡
同然不數見卉中荼蘼或是各地之粉團其色凡三

不知孰居如蓍蔔實以西番蓮酷似藕花千葉色微
紅開於地面花謝而葉生其葉甚大與花相稱省命
間有之榆花創見香蘭前志已入草類葉錢金葉錢
銀扶留莖茲或作深山之鹿草或與衆卉而齊芳幸
於此郡見也蒟醬昔唐蒙食之於番禺前史稱其實
如桑椹味辛粹似姜子楊慎曰南糯藤似竹杖收其
實為醬色正黃味美於中國之豆醬而年史記漢書
注吳都蜀都賦注及賈氏齊民要術顧氏廣州記皆
信耳之誕然不可知也鳥獸類有孔雀松鷄又長鳴
鷄聲小而形昂鳴聲與凡鷄異自更深至曉鳴無時
玉面狸亦罕見矮腳狗蓋竹書所稱短狗產里厥貢

其此類乎蟲魚之族有脆蛇見人則碎取而乾之蛇
分爲數節入藥良人見其碎也而去之復爲蛇形如
初土蜂者如蜜蜂而大其螫彌毒每春末爲房於樹
上大如斗秋末冬初間有爲隕霜殺而墜地者餘皆
入地穴穴有前後兩門土人物色得之塞其後火其
前蜂皆熏死取其子以爲美饌所傷實多或曰卽記
所稱入珍之一曰腊是也其服食亦曰蜂牙腐卽此
蟲爲之或者又曰土蜂在土中土人掘土乃可得在
樹杪者露蜂房也其種類固難窮矣刀魚者不知其
形何似流黃於魚類亦間所未聞矣物貨之類稱線
花錦鵝毛被如此耳

永寧府

舊志物產一類所紀甚繁惟藥有鹿茸石菖蒲兩種
佳食貨曰鹽梅膏差可錄

鎮沅府

是郡介在楚夷所產本無可述然舊志所載如竹之
藤衫苦笋禽之白鷗果之南棗貨之苾羅布於鎮沅
爲獨多乎并識之

北勝州

遙西諸郡皆近金沙江惟是州湍流稍緩可以淘金
緣江而上多降真曰上江香視他郡爲最竹笋極佳
曰滄笋紙曰蒼紙堅白稍次葉榆售殖無虛日州中

有絲多蠟多麝香蕋渠以西有土細有土錦有筋花
絹有毛帶其他三稜烏木鷄錦鷄雖常有亦共珍者

堤閘

甚哉水之爲利害也爲之堤以防旁支泛溢之爲
害爲之閘以防雜流衝激之爲害繇是而三農百
畝以種以穫溥哉其利乎滇非澤國而水患不免
焉張立道疏導而後池上皆爲良田今滄桑之變
日異月殊有力者取而則之若江南所謂湖田嚴
法弗能禁也濬海口有成議矣而委任弗效堙塞
之患亦弗必至所謂脾水則脾所繇與有力之
家先得之近上壩之閘成而萬口稱焉攀一郡他
郡可知也見前志他郡於水利處每每不轉語曰
得如此爲壩如此爲閘乃可大都皆想像瞻望之

語則掩卷而思曰此必瘠土也不然何不裒衆工而自爲之乎雖然冉有田賦夫子非之曰周公之興在夫周公之於溝洫其用力豈讓伯禹乎季路爲宰夫子見其溝渠而三善之二子皆以政事名者也而自相甲乙矣司政者其審諸

雲南府

松華壩在府城東滇上流元賽典赤瞻思丁增修爲壩分水以溉東畝萬頃立有石將軍廟即瞻公像也萬曆四十六年管水利道按察副使朱芹條議大修雖裒金不一而水利頻年節縮之費取給爲多月再三躬往省試不倦鳩工庀財無不精堅民不勞而久

逸官經費而永寧厥功茂哉

南壩閘在府城南盤龍江所經亦賽典赤修總兵沐
璘巡撫鄭顯鼐石馬閘添設守者因水盈縮時其啟
閉民甚便之

西壩閘在南壩右

四道壩閘亦在盤龍江下弘治間置

戴金閘 大韓晃閘 小韓晃閘 小壩閘

桑園閘 金稜閘 燕尾閘俱在府東金汁河

王公涯閘 文殊寺閘俱在銀汁河

漾田小北閘 望苴閘俱在盤龍江上

莊科閘 前所閘 大營閘俱在岷嶧河

大響水閘 小響水閘俱在寶濠河新建功利於民
與南壩同

小西門閘在橋下啟閉濠水

湯池渠在宜良縣西南三十五里洪武丙子惠襄侯
沐春檄都指揮王俊董修

清水閘在昆陽州治北

石壩在富民縣西十里自此分為二流田畝胥賴民
便之

黑龍潭壩在祿豐縣東壩原築於潭下流今改建潭
上流灌溉甚溥

好義村壩在三泊縣西萬曆十三年修

大理府

府城三渠南曰白塔江中曰街前江北曰大馬江三渠穿城東出一以備火一以灌田

崇惠堤在府城西即城濠也面濠丈五尺暴流沙石再歲不濬則與堤平弘治間大水入城廬舍半壞府衛共謀作堤特令官軍築三之二土軍築三之一每歲以十一月興工加高一尺以爲常今廢

水缺在天臺寺前玉溪水決排西門而入城中廬舍覆沒每年於缺處堆大石以殺其勢

麻黃澗在府西水源由教場北入大馬江自古道壅塞大雨漲潦逕至西門議者欲罷操軍一月以其力

濟復故渠

城北渠堤在府城北有數處昔因居民壞塔以致蛟
變如我輩諸村良田覆沒嘗議濟渠築堤未就

東晉湖開在趙州東北湖中水乾其田可耕先是每
歲以五月五日啟閘九月九日閉閘然雨暘不定率
至愆期議者謂以湖中稻穀盡收之日閉湖外年麥
盡收之日啟爲變

雙塘在州治東八里洪武初年軍民以磚甃堤其利
甚溥歲久堤潰嘉靖二十五年分巡副使安如山議
令每歲暑月使瀕堤田家量畝出力預爲修築民甚
便之

甘陶水塘舊有堤防利爲豪右所專知州潘大武議夾石爲渠穿孔分水其利始均

城西堤在州西三耳山

品甸灣在雲南縣東北十里舊引寶泉山水蓄於周閑品甸二陂以備農事歲久溝塞嘉靖二十二年知縣宋希文開故道以時蓄軍民利焉

寶泉壩在縣北二十里積水禦旱景泰間分巡副使周鑑分守叅政趙雍重修

段家壩在北塔村去縣治二十五里東接鏡湖段恩平所築成化十九年世鎮檄都指揮馬玄重修

新興壩在縣治南山下舊爲曠地知縣宋希文築

荒田陂渠在雲南驛前東南平壤千頃而闕水利嘉靖間右叅政石簡倡議劉伯躍相繼修舉今爲沃壤橫江堤在鄧川州後大邑新生上登三里州西一帶厥田賴焉永樂間同知李福築堤正德十三年署州縣丞祁倫重修

彌苴怯江堤在州前平川堤之東軍屯修之堤之西里民修之劍川浪穹鳳羽諸水皆由此入西洱河羅時江堤在州前

上下登堤在州西一里每秋大泛漲覆沒田廬正德三年州人楊南金倡衆築石爲堤而從前湮沒患息大水長堤在州南以水磨在堤南致秋潦爲害嘉靖

三年兵備副使姜龍令移水磨堤北又修築舊堤二百餘丈水趨南流而患息

廟後堤在州北城隍廟後二澗合流姜龍重築圓井堤在州西北

羅甸渠源出東山居人引水成渠墾田自給

溪登渠在浪穹縣西山中路

三水陂曰南江通寧通濟三水淤沒軍民田地三百餘畝嘉靖壬寅濬導

山根渠在縣南七里可灌田三千餘畝每歲春夏之交一淘汰之

紅山渠在縣東北十二里名三營川

三江口渠在縣東南九里有三水一自寧河一自三營一自鳳羽惟鳳羽之水其勢橫射二水沙泥淤塞湖口日爲茂草分巡副使王惟賢議築石堤以備災大塲曲堤在賓川州西北舊有陂池蓄水備旱後以豪右利陂底土肥可田遂斷水別流陂外之田半爲廢壤嘉靖二十三年知州朱官改水築堤而復之新渠在龜山東舊傳以乾龍紅雀二潭不爲民利今議決乾龍入鍾良溪決紅雀入楊梅谷則壑田當至數百頃亦萬世利也

煉洞甸頭甸尾諸渠在煉洞諸山下其田或山脊分泉或山腰引水其硤礪之處鑿石爲壩後因夷患民

有棄田而去者嘉靖二年兵備姜龍行令土同知高崙督捕盜屏息民漸復業二十五年知州朱官作諸渠自是荒蕪皆耕地也

烏龍壩在白塔山下居民瀦水壩上有廟禱雨有應茹村壩上蒼渠俱居民蓄水處

梁王壩在圓山下鑿石築堤以導梁王山泉灌田年遠漸圯水利壅塞天啟四年知縣楊起雲捐俸重修民甚便之

臨安府

瀘江堤在府治一里源自異龍湖流經府城南折而東灌田甚廣隆慶間因三河之圯增壩淤泥日壅歲

決爲患萬曆四年兵備副使許宗謐躬視修濬置田
徵租以備跑築之費士民感之曰許公堤二十七年
兵備副使漆文昌二十八年知府張守綱相繼築堤
改河然河壩未撤河決猶故

大壩在府城五里壩南北受水者自行修築

馬蝗溝在府西北五里

五塘溝在石屏州南水有五俱熱如湯

楊柳壩在州西五里以障保秀彌勒溝水蓄以灌軍

民田

彌勒溝在州西南亦五里

東壩在阿迷州嘉靖間鄉紳王廷表率衆爲石壩

西堰在州水源自樂蒙河民趙儒築堰通之經桃川
莊至甸尾王廷表云郡田千餘畝設東西堰灌之立
二堰長供水事自春至夏溉淤塞禦衝塌巡朝暮分
多寡所至飲食之謂之雞酒秋穫照畝與穀使祭壩
燕衆謂之堰穀嘉靖庚子夫役煩多議收穀量給堰
長餘充夫費後則私矣夫役仍出於民民多怨之制
爲法令可也

石堰在州南有小河巡撫鄒應龍爲石堰至今賴之
六孀塘湫刺塘俱在新化州岢嶠鄉

那那圩登龍渠俱在州祿庫鄉可備旱潦資耕稼
龍王廟堤在州歸呂鄉隆慶六年知州麥天惠築

東渠鄉龍潭在河西縣出自九街山麓灌溉甸心沙
羅東城等三村雖遇燠旱播種無憂

西堤在河西縣萬曆二十二年知縣周邦舉築石閘
引泉水爲灌池

大石壩在嵯峨縣西北

新龍堰角池堰大羅河堰砥柱堰普龍堰俱在新平
縣萬曆二十年知縣李先芬修

永昌府

九龍渠在府城南舊名易羅池鹹沸有九竇方廣二
百餘丈磚石爲堤自洪武間廣田分水爲四十一號
歲選能官司之

沁河在九隆法寶二山兩岸間水勢盈涸無常嘉靖二十九年兵備副使郭春震始募土人溯流而得其源

諸葛堰有三大堰在城南十五里其東爲中堰又其東爲小堰視衆水爲廣俗呼曰海子歲仲秋障之仲春開之

紀黃壩在城南十里堤周三百五十丈

石花堰在城南十二里源出山後響石洞又三十里爲甸尾海源出梅子溝有黃泥壩在海南二里

平安壩在城南四十里源出芭蕉洞初水勢衝流未有隄防正德間兵備副使汪標創築嘉靖間分巡命

事安如山兵備副使郭春震先後重築

官市堰在城南四十五里源由青松山下

丁楊壩源出水眼龍洞堤周二百五十丈

卧佛池渠在城北二十五里雲巖山下泉出石竇匯
於池四時不竭

阿鳳壩去城四十里源出天井山深谷中瀑布西流
度甸頭巡檢司之北折而南下分爲四溝流經達達
營水瓜村光尊寺入於西河

蓮花壩在安樂山西即玉泉正德間兵備副使汪標
築

打鶯山龍泉在騰越州治西三十里流於古矛山下

入城西田畝

龍王塘有三一在觀音寺一在大寬邑一在侍郎壩
俱利田畝

荆竹寨陂在州東四里

侍郎壩在州西北五里昔侍郎楊寧征麓川時所築
人享其利遂以名

寶峯泉在永平縣東四十里許

楚雄府

梁王壩在府治東三十五里梁王所築年久堤決弘
治十三年重修

城南堰在府城南三里許

西南二堰一在鎮南州西一在州南

曲靖府

北沼堤在府城北門外蓄水灌田郡以北沼荷風爲景

西湖壩在城東北十里洪武間作有閘蓄水啟閉以時

交水壩在霑益州南一百七十里平蠻鄉塊步臘溪二水相合又名交水河宣德十年千戶梅用鑿石爲壩以行水

大壩水出水容箐洪武初指揮劉璧築壩醜渠爲三閘以蓄洩水道以灌東南三鄉四堡之田

小壩在州治西五里

阿龍溝在州東三里水灌河東諸田

楊柳壩在馬龍州東七里水灌西鶴樓田

石橋壩在州北十五里

史家閘在城東三里積瀟湘江水

梅家閘在城東二十里積太平橋水

土壩在城東一里積瀟湘北沼二水

龔家壩在城東三十里入南海圩田

澱江府

澱玉泉堤水源自重珠山下入附郭田畝

莊鏡泉石堤水源自碌碛山合圩北溪俱知府王良

臣纂

北波沼堤水出關摩山麓知府張順倡諭有田者築以積水郡人席大賓復於舊址增拓一堤

立馬關在西街北一里知府徐可久建以防龍清一帶衝決之患

太平閘在太平橋下半里知府徐可久建用疏梁王衝一帶溪水入新河達於海

西嵒泉堰在蟠龍岡石巖下雙湫夾出溉田甚溥萬曆二十九年知府程子侃重築

圩劉溪在府東北二十里自寶鼎山發源流經圩劉山下抵郡城南入撫仙湖每歲霖雨衝決爲患隆慶

三年知府蔣弘德開渠築堤三百七十餘丈旋爲水
噬崩圯萬曆三十年知府程子侃復築焉

西浦龍泉壩舊傳自地中暗興渙池通雙湧於西山
之麓流不百武即南折於湖陰慶五年知府徐可久
開二河引泉入海又立閘壩共四所啟閉蓄洩且舟
楫通行商民稱便

清溪壩在閩索嶺下石壩二分水之溝六溉田畝爲
多

普濟堰塘在江川縣館驛左隆慶四年知府杜鳴陽
買民田築堤高一丈許畝立壩長一名守之

大衝河壩在縣南五里羅藏山麓會諸澗爲河隆慶

二年傾壞知縣文嘉謨開濬民屯之田俱賴焉

堰塘在縣沁甸上官村正德四年知縣郭翰築年久傾塌嘉靖四十五年知縣文嘉謨重修

羅木箐壩在新興州凡三所均分溝水

又有九龍池壩一十七大河壩白龍潭壩各四龍井壩密羅壩各三桅杆營壩一各照界分水入於田

紅廟堰塘在州廣半里

黑龍潭壩在路南州東

魚池堰在州東八里發源黑龍潭嘉靖四十五年知

州鄭國重修築

興寧溪壩在州東二里遠州東而南與鯉池河會流

入於盤江

蒙化府

東溪渠有十六曰龍王廟曰五道曰白塔曰教場曰
寄馬椿灌附郭之田曰渴廣曰南莊曰橋頭曰盟石
曰彌邊曰雙橋灌川中之田曰甸中曰捉馬郎曰白
地塲曰甸頭曰土主廟灌甸中及甸頭之田

西溪渠有十二曰三古盤曰空鍾衝曰小衝曰大衝
曰烏保郎曰貝忙曰賴郎曰西葵曰天摩牙曰天耳
山曰龍漢寺曰麻沽衝各灌其溪所及之處其利比
東溪十之一皆泉流也

甸頭大坪在府治北六十里

龍行大塘在府城西北三十五里益增其高厥利益多

又有鄭家塘淑人塘南莊塘團山塘遠近不一分派及田

鶴慶府

龍寶堤在龍保潭下周四百餘丈有壩

桃樹渠在府治南二十五里源出天馬山下村人賴之

南洪渠在府治西南二十里發源山神哨至白楊場俗稱龍泉者三穴蓄澗噴出東入漾工江南甸田咸仰給焉

小柳塢開知府馬卿築嘉靖間知府周集增築高百尺

漾工江壩凡四墩逢密大福西亨義湖雙水槽城滿和辛官屯思地墩大龍溪赤土和小柳塢居人至播種時相率作壩障水農工畢而壩去

溫水河渠以溉鵲城孝廉前蒿三村田地

西墩泉堤舊有壩圯同知張廷俊修築舊堤高數丈水入舊溝旁兩岸開廣經流約三十里西墩新生大福小柳塢村屯利之

石萊渠在劍川州南渠水以滋田

連漢墩水塘甸頭和水塘軍民注水灌田

姚安府

七湖在府城西南土人稱陂堰爲湖在平川凡七曰
大石曰地摩曰烏魯曰陽派曰塔鏡曰小巴曰長壽
其在府西者曰當陂院在府北者曰地角曰香索嶺
曰赤額坪曰黑壩曰摩苴邑皆前代所築

黃連箐壩在府治東南九里

石火口壩在府治南二十五里

右所衝壩在府西南六里

上下二閘上閘在大姚縣東二里下閘離三里弘治
間軍民所築

金家閘在縣南一里

新壩閘在縣東二里

晏公閘土橋閘俱在縣東南五里

趙家閘在縣東南三里

白塔閘在縣西三里

葉家閘在縣北十里

楊家閘在縣北二十五里

冷水閘在縣西門外

廣西府

廣利壩在治東七里萬曆二十八年知府張光宇築

永惠壩在治西四里萬曆二十一年知府陳忠築

矣竟壩在治西三十里知府辜用璠築

有石閘開東西兩河灌近城田

尋甸府

歸龍堤在府南二里歸龍寺萬曆十四年河水泛溢
淹沒民田知府李遇春砌石堤三十餘丈民德之名
李公堤

龍潭閘在府北四里馬街引水爲學宮襟帶亦灌田
畝

龍洞渠在府北五里郡田畝多資之

武定府

者吉村渠有二一在祿勸州東北陀的掌鳩河一在
州前列岫之後二渠襟合州石皆利阡陌

源桃村渠永平村渠俱自南甸河築堤引至兩村
納吉村渠自祿勸州前列岫之後築堤引而入
大緝麻屯渠繇引村河築堤引至屯中

景東府

永寨渠在治東十五里

者孟渠在治南五十五里

者干渠在治南七十五里

元江府

仲夷渠在府城西四十里源自仲夷溪與西山長橋
相表裡土人呼爲清水溝

雙溝渠源出馬籠山一清一濁土人堰之江東田畝

賴以有秋

麗江府

清源渠源出東山雪山流經府治以溉田

順寧府

天澤塘在樂平山椒土官猛寅鑿塘注水塘周半里
許

洪塘在鎮夷山下雲州治後原議建學濟為泮池

北勝州

觀音箐壩在州治東三里

盟莊壩在治西三十五里

包家壩在治南八里

橋梁

津梁利涉惟水惟石大江之漸連艦而過曰浮橋
在中土不越此三端耳西蜀松維石泉間有索橋
以鐵爲柱絙以鐵鍊或竹或木從橫疊架左右方
牆如竹籬人行其中一日鐵橋牽鐵鍊而人力依
附焉縱連直水橫鋪平板左右扶掖而過皆橋之
異也而滇更有異者曰藤橋以藤爲之間弱水亦
有藤附水而生仙靈懼爲外人導每每伐之今漸
長將到此岸其此數乎又有天生橋不勞人力穩
步而利濟其天台石梁之類乎又有仙橋木細而
柔月望一易更不可測又澂川間有海門橋橋邊

有界魚石兩江之魚相望不敢越尤異已乎至於
長橋數十丈巨橋數丈爲政者之大惠其次有行
釋子勸化鄉人好義者爲之皆可紀也

雲南府

縣橋在城內布政司南昆明縣右

石橋在小西門內

鳳凰橋在崇正門外通濠水以達盤龍江

溥潤橋在歲和門外舊名至止

焦三橋在治東一里重閣外

通濟橋在雲津橋西水卽金陵河之支流達濠水泛
注入於市而不可渡因建是橋梁王格殺陞平章於

此今水涸而橋存

雲津橋在治東二里許水出盤龍江流經商山下過郡城入滇池所謂縈城者是已橋舊名大德燬於丘洪武癸酉西平侯沐春重修

小橋在雲津橋東三百武

太平橋在小橋東二百武

地藏橋在治東跨金汁河上

吳井橋在治南三里以井得名或云建於吳氏

老崔橋在治東南十五里

新橋在治南螺螄灣

望仙橋在治南五里許南壩右

土橋在治南東寺正街

坂壩河橋在治西南西寺街

小澤口橋在治西南

順城橋在治西南小澤口橋之上

假溪橋在治西洪濶門外

西坂橋在治西七里許近黑林鋪

水清橋在治東北永清門外

迎仙橋在治東鳴鳳山麓萬曆二十七年巡撫陳用

賓建

永濟橋在松華山鎖盤龍江之上流

四通橋在晉寧州西通新興元江諸水

濟遠橋在呈貢縣南

永安橋舊名東橋在吳寧州東螳螂川經其下弘治七年巡撫張誥重建提學僉事歐陽旦記

啟明橋在祿豐縣東二十里許天啟元年土官木增建巡按楊春茂題

永豐橋在治西星宿河之水經其下萬曆四十二年巡按吳應琦檄縣修建

龍濟橋在嵩明州南十里許

龍街橋在治東南十里許

嘉利橋在治南四十里萬曆七年建

大河橋在富民縣南三里許

永濟橋在宜良縣湯池巡檢司前

惠津橋在易門縣東

長虹橋在三泊縣南門外

崇文橋在縣南三里禮義村河萬曆甲辰知縣彭惺
建自爲記

大理府

雙鶴橋在府南門外跨綠玉溪

安固橋跨龍溪成化間知府李遜建後圯弘治四年
知府馬自然重建

又有楊和十里鶴背陽南四橋各跨青碧陽南等溪
皆石條爲渠

清風橋一名黑龍橋長一十五丈正德間知府賈銓
守備鄭雋全建醴水爲五道郡治橋梁此爲第一
子河橋龍閣橋俱跨海尾亦條石爲梁以上九橋自
府而南

獅子橋在府城北門外城濠上

宣化橋跨排溪舊橋屢壞弘治十年通判劉傑創建
又作一丈浮屠翊之

又四里橋五里橋白石江橋屏峯橋塲田橋洛陽橋
灣橋作邑橋跨梅岑等溪

牧牛橋跨萬化溪醴水爲十道

院塲橋跨霞移溪

嵒崕橋橫潦衝決石梁不存近作木橋

波羅江橫已上十四橋自府而北

在趙州者曰永安橋弘治二年楚雄府同知陳寶建

曹溪石橋一名湯顛橋 尚義石橋嘉靖八年建

永礮橋嘉靖十九年建 雙橋在白崖

迷渡橋以上六橋俱州治南

東山橋嘉靖十六年重修

倚江橋在雲南縣西十里

赤水橋在縣東南二十五里 小木板橋在雲南驛

孔全橋義士孔全所造構木跨水長十丈許

德源石橋在鄧川州北

青索鼻石橋在州東二十里巡檢司左

銀橋在州東三江頭

龍橋在州東九里弘治四年同知程永亨重修嘉靖
二年上閩人沈軌易以石 三道橋亦在州東

新橋在州東三里嘉靖間知州阿國禎重修

進賢橋在道政鄉 通寧橋在縣東南三里

分水橋在縣東四里又八里爲通濟橋三十里爲慶

濟橋 滙川橋在縣東南十五里

南江橋在縣南四里 滾江橋在縣西南十五里以

上八橋俱浪穹縣

南薰橋在賓川州永安門外舊怕爲秋潦所圯嘉靖

中知州朱官重建視舊堅緻有李元陽記

吳公橋在州西二里嘉靖八年知州吳仲善建二十二年知州朱官復修

石門橋在州北又通江橋亦在州北四里

桑園橋在北七十里

雲龍橋在雲龍州嘉靖七年建

臨安府

迎恩橋在府東一里初以木爲之正統間易石尋圯隆慶間鄉民樊志寬重修

登龍橋在府城迎暉門外跨濠上砌以石東壓水惠稍息萬曆二十九年郡人共建

瀘江橋在府南一里宣德間建跨瀘江正德中義民
王錫等重修萬曆初橋圯鄉民沈崇儒覓以石覆以
屋通貢橋在府城東北三十里弘治間建義官高
辛重修十架橋在府城西四里景泰中建
清流橋在府城北二里天順間建

飛虹橋在府城南二里跨中溝正統間建

浣衣橋在府城南五里跨小河正統間建成化間居
士葉舟重修登瀛橋在府西南成化間建

永安橋在府城西十里跨白龍渠

玉虹橋在府東十里長四丈廣半之宣德間建

二河橋在玉虹橋南三河分流二橋相望正統間建

天主橋在府南婆羅莊哨有石跨流自然成橋

百花橋在府南五里景泰間建

版橋在府西北十里弘治間錢銳建

曲江橋在府東北百里長三十丈原係水橋天順間

建萬曆三十二年鄉髮僧如淨俗名朱萬祐募緣董

工鄉紳都御史王思民倡首創石橋巡按御史沈正

隆兵備食事龔重致各捐資助工有碑記提學食事

范允臨書

詳見旅
志

會安橋在府西北黑冲山下弘治間徐宣甃石

通遠橋在石屏州矣落河東五里天順間建又有

惠民橋萬曆二十七年建化龍橋郡人楊廷相建

石橋吳宇建許子言重修 通貢橋楊瓊建 福森
橋楊名學建俱在州境

盧公橋在寧州西三里跨浣江通甸苴關正德十六
年建嘉靖三十二年重修

霽虹橋在州西三里嘉靖八年建

思永橋在州西三里跨思永河先年構木爲梁嘉靖
甲寅御史張鳳翔改建石橋

觀音橋在州東七里 廣嗣橋張中建

通安橋在阿迷州東南二里弘治間州民王晟建

永安橋在州東二里天順間建

永興橋通濟橋俱在州東門外弘治間建

小橋在州西門內成化間建古城橋在州南東橋在州東西橋在州西泰安橋亦在西三十里

渥泥橋在新化州跨渥泥河

永濟橋在通海縣東二里

溥利橋在縣東百步弘治間建

秀江橋在縣城西二里

經濟橋在縣南萬曆二十九年建

雲濟橋在河西縣弘治間建

碌溪橋在縣東二里正統間建

指南橋在縣南二里弘治間建

陽關橋在縣北二十五里萬曆八年建

桂峯橋在崑崙縣南一里

長橋在蒙自縣東二十五里跨海構木爲之長千餘丈天順二年建

儻甸橋在縣東七十里天順間建

宜民橋在縣東二里洪武間建

永安橋在縣西門外巡撫鄒應龍建

通濟橋架虹橋俱在新平縣治太平橋在縣東五里

永昌府

衆安橋在府城南七里跨沁河下流洪武二十三年指揮胡滿創建木橋正德間叅將沐崧嘉靖間副使郭春震相繼重修

霽虹橋在府城北八十里跨蘭滄江以竹索爲之洪武間鎮撫華岳鑄二鍊柱於岸以維舟後架木橋尋燬弘治十四年兵備王槐修萬曆二十七年爲順寧溫酋所焚兵備副使邵以仁重建二十八年復燬兵備副使杜華先分巡按察使張堯臣捐俸修知府華存禮請於兩岸設弓兵守之

東津橋在府城北二十里今爲木板橋

鳳鳴橋跨沙水河

大盈橋在騰越州西跨大盈江

龍川橋在州東七十里跨龍川江舊名藤橋弘治間兵備趙炯嘉靖間兵備潘潤相繼修歲久傾圯萬曆

二十六年署州事余懋學復建

龍洞橋在州三里萬曆二十八年指揮孫奇勲建

神濟橋在諸葛營東永樂十六年車琳建嘉靖四年

義民吳貴始甃以碑石

昌平橋舊名太平橋在昌平縣治東半里跨銀龍江
長四十丈高二丈五尺廣二丈以木爲之覆以瓦亭
十二楹嘉靖十七年千戶趙輔三十年指揮王合重
修

漾澤橋東隸蒙化西隸永平橋制如霽虹萬曆二十
七年燬於猛廷瑞未幾兩郡邑合修永平令馬蔡俊
保場橋在鎮姚所小保場驛前萬曆二十年建

西山橋在石冊寨土舍莽承緒建

血戰橋在姚城全勝關外官兵與緬交戰處叅將鄧子龍建

楚雄府

雲龍橋在郭東五十步跨城濠

青龍橋在府治東三里跨平山河源自南安龍潭合茅溪水經府北入龍川萬曆三年分巡畢天能知府張九歌建鄉紳鞠以正等贊成橋西有觀音閣叅政羅汝芳題曰水月圓明

凌虛橋在府治東三十五里弘治四年知府邵敏建萬曆二十九年推官陳以躍修

卧龍岡橋在府西七里卧龍河上成化十一年建

平山橋亦跨平山河正統中知府馮郁建

濟川橋在呂合驛巡檢司前成化中知府邵敏建長
十丈廣二丈萬曆間推官陳以躍知縣羅弘謨重修
龍川橋在黑鹽井巡檢司前

明月橋清風橋俱在廣通縣東三里

濯纓橋在縣南路甸驛前永樂間建

翠微橋在縣東二十里蒙七塔鋪前

陡澗橋在縣東七十五里捨資巡檢司前

安樂橋在捨資驛西一里弘治間重修

普利橋在定邊縣治之內橋甚高廣永濟橋在驛前

成化八年建德勝橋在縣北十里

西龍橋在碭嘉縣北十里

迎恩橋在南安州北一里成化間建

擢秀橋在州東成化十四年建

新石橋在州北二里

苴力橋在鎮南州西四十里楊太史賦垂楊處

平夷橋丹桂橋俱在州西五里

瑞應橋距城五里馬龍江上爲迤西要津萬曆己亥

知州周憲章建

平政橋在城東關外豐城橋在城西關外俱天啟三

年知州盧伯宗建

曲靖府

澄清橋有三上橋在府治南九里中橋在治東南七里下橋在治西三岔驛俱弘治十七年建

瀟湘江橋跨水容閑溪景泰三年建弘治間知府焦韶同知胡光重修

白石江橋在城北八里洪武二十五年建

石寶山橋在城南二十里

迎恩橋在府城北雙沼之間橋下有閘洪武初建
朝陽橋去府城二十五里知府高薦建

太平橋在霑益州南一百四十里交水村長八丈濶二丈跨塊步溪水
阿幢橋在州南一百七十里

可渡橋在州北一百二十里臨可渡河

山塘橋在州南一百七十里

城南橋在六涼衛城南洪武二十三年建

城北橋在衛城西北芳華鄉跨南澗洪武十五年建

永安橋在越州衛城北憑弄泥溪水

觀音橋在馬龍州西西河水流其下

關東橋關西橋俱在州魯婆伽嶺巡檢司

下板橋在州西南五十里古城堡

塊澤橋在亦佐縣兩山壁立流水甚疾夾岸之間飛架而渡

鎮夷橋在越州衛三里表三十餘丈今砌石

徽州府

青雲橋舊名普濟橋在府東街跨玕劉溪正統間知府王彥建爲石橋

南津橋在東街南嘉靖間路南州民郭萬鍾建

中溝橋在東街南二里鎖玕劉溪水口

太平橋舊名羅藏橋在府城西二里嘉靖間知府王良臣建通判徐子麟重修

四均橋太府廖官營東境內道路至此造均故名

永濟橋在府治南七里清平橋在府西二里

河生橋在府治東知府高廷紳建

二岔橋在河生橋西百步

得路橋在府西北四里義民席允中陳亨建

務耕橋在府犁花村北庠生李傑建

介營橋在大小二軍營間故名

遠達橋在小軍營中 廣濟橋在大軍營西路口

通津橋在廣濟橋西一里 莊鏡橋在府治東街

漱玉橋在府治東街土主廟前

西市橋在府治東弘治間舉人鄭玘建嘉靖間義民

陳紳易以石 月津橋在府大河口

長虹樓在府城東四十里嘉靖間郡人羅應重修

俯波湧按二橋俱在府西南 迎仙橋在府南

惠民橋在府西知府徐可久建

龍津橋在府東

迎恩橋在江川縣北

海門橋在縣東南八里爲臨安要路通星雲湖水入
撫仙湖登舟始此天順五年建中央有界魚石焉激
江江川其魚二種以石爲界不敢越江水一波越則
相鬪鬪而死爲兵象

石橋通衢橋俱在縣東

大河橋在陽宗縣東 通濟橋在縣西一里

玉溪橋在新興州治西南

弘濟橋在州南通嵒岷新化路弘治間知州鄧敬建
會通橋在州西與弘濟橋相望

永安橋在路南州北

板橋在州南二十里嘉靖間郡人席大賓易以石

天生橋有二一在州北五十里一在州東北十二里
二橋天成不假人力故云

賽虹橋在州通省大路萬曆四十五年知州汪良修
三板橋在州治通衢萬曆四十七年舉貢楊興南第
兄捐修

蒙化府

永春橋在府城西二里後圯改建於三官廟界萬曆
十三年郡人張烈文首倡易木為石

北門橋在府北門外

永濟橋在府北七十里甸頭巡檢司南萬曆元年通判薛希周建

漾濞橋在府西北一百餘里制如蘭滄江橋

四十里橋在龍尾閣樣備驛之中趙州蒙化同修

甸尾橋在府南二十里大理楊仕重修

錦溪橋在府東一里舊名衛中橋正德間重修源自

龍王廟達於陽江 嵯岬橋郡人張錦重修

玄珠橋郡人王緒重修 通北橋在府北三里

濟南橋在府南半里俱郡人張烈文建

康濟橋在府南三里郡人孫劉建

封川橋在府南十五里溫泉山下

興隆橋在府南二十里俱鄉耆李唐賢建

通雲橋在府南七十里鄉耆戴時遇建

鶴慶府

跨鰲橋在府南一里 新生橋在府南二里

東山橋在府東五里 大龍潭橋在府東十五里

金燈橋在府東南二十里 迎貴橋在府南

落鍾橋在府南五里有溪源出西山龍湫東入漾工

鶴川橋在府南十里為通衢地名長康里

石固橋在府南十四里又一里為永濟橋

濟川橋有二一在府南十八里一在劍川州南四里

通濟橋在府南二十五里

鎮遠橋在府西門外

清水江橋在府西四十里

周官屯橋在府北七里 象跪石橋在府北十五里

逢密橋在府北三十里 小板橋在府北

天生橋在府南一百二十里

觀音山橋在府南一百二十五里

勸農橋在劍川州東一里 平濟橋在州東三里

巖江頭橋柳邑柳俱在州北半里巖塲小石二橋俱

北一里顛塲橋亦北十五里

廣濟橋在州西南三十里 羅城橋在州南十五里

桃菴橋在州南二十五里

牛甸橋在順州東三里

烏鋪橋在州西南三十里會東南澗水入金沙江萬曆二十八年知州李先芬建

求嗣橋在州西三里板橋在州南五十里

姚安府

棟川橋在府南門外知府王嘉慶重建

青蛉橋在府西北跨青蛉河弘治中知府王嘉慶建

迎暉橋在府東門外拱辰橋在府北門外

飛虹橋在府儒學前知府楊日贊創建

九龍橋在府東南隅鎮遠橋在府東五里

普利橋在府東北演武亭後

惠通橋在府南五里大石湖上知府馬自然建

石泉橋匯泉橋仁和橋如達橋廣濟橋俱在府南

濟川橋在府東北十五里連塲橋在府西三十里

望川橋在府北二十里嘉靖十八年建

承恩橋在大姚縣南一里跨大姚河爲屋五楹以覆之永樂十四年千戶施宥建

迎恩橋在縣西南八里亦跨大姚河一名八里橋

利濟橋在縣東四里廣運橋亦在東五里

利醴橋在白鹽井提舉司治前

神喜橋在司東榮春橋在司後

廣西府

大石橋在府西一里弘治十三年知府朱繼祖重建
所普橋在府西三十里

王津橋在彌勒州前長五丈闊七尺跨八畝溪上流
漾月橋在師宗州南門五馬橋在州西門

祿生橋在州東門外一里平政橋在州南門外

普濟橋在大河口石鳳橋在小河口寧折村

新橋在瓦窯村大渡橋在大阿堵村

雙鳳橋在雙鳳山螳澤橋在棋榔村

趙公橋在草得峭洪濟橋在州北三十里

尋甸府

獨樹雙橋在府東半里俗呼西座橋

鬼河橋在府東二里 洗馬橋在府東四里二橋俱
嘉靖間知府林斌修

七星橋在府東十五里嘉靖三十二年建萬曆元年
義官劉聰捐資重造長四十丈下連七空

三板橋在府南五里嘉靖二十一年知府王尚新易
以石

蔡濟橋在府南十五里嘉靖二十六年軍人蔡永建
溫泉橋在府南四十里長五十丈跨阿交合溪水嘉
靖初年建萬曆二十七年重修原木橋知府林斌易
以石可通輿馬

太平橋在府東北三里弘治間知府謝紹建

迎恩橋在府北成化間知府謝紹易木以石覆以屋
靖遠橋在府北三里

武定府

虎市橋在府東北一里弘治四年建

龍潭橋在虎市橋東一里江岸兩壁峭立跨以木橋
下有龍潭俗傳內潛靈物橋不可覓覓萬曆二十七
年知府劉懋武建屋七楹於上

通會橋在府東天啟三年知府胡其愷改稱

大營橋在府東南一里弘治十三年建

通遠橋在府西北路通元謀縣弘治十二年建

濟溪橋在府東南四十里冷村鋪東弘治間建

聚保橋在府北卓孤村

陝父羅橋在府北馬籠他夷艾村弘治十五年建

罵勒橋在府東北阿面村弘治間建

便民橋在府北二里雙橋合流雨水漲莫能渡萬曆一十七年知府劉懋武叔建

法泥則橋在府東北

惠民橋在府北一里有澗最深導引灌溉萬曆二十七年知府劉懋武修

通會橋舊名迎祥橋在府東大路天啟三年知府胡其隨遷橋於東城之左以鎮水口

高橋在舊南甸縣西北八十里正統十年阿寧建架

水爲之

大水橋在和曲州舊治東二里正統間建

大板橋在元謀縣西一里正統間建尋廢萬曆二十八年府同知陳興署縣重建

魯虛橋在祿勸州西北十里弘治間建

西蟠龍橋在州西五里嘉靖三十年建

景東府

開化橋在府後萬曆間建

通華橋在府北通華河新站橋在治北六十里

馬官橋新橋俱在府南六里

平川橋在府南十里又十八里曰孔雀橋二十三里

曰南川橋曰清涼橋

大河橋在府東二里許覆以瓦屋四十九楹
水寨橋在府東十六里其二十里曰後所橋

蘭津橋西岸峭壁竦立高廣千仞飛泉急峽複磴危
峯森羅上下傲外一詭絕之觀也南北相望無可通
者以鐵索繫兩岸爲橋漢明帝創造永樂初重修不
知當時空中何以著力疑是神運

慎蒙名
山記

元江府

混龍橋在府西四十里阿南村跨叢叢河長三丈濶
一丈許 康濟橋在北門外

南安橋在南門外 石橋在德化鄉

西成橋在西十五里 藤橋在西一百里

麗江府

鐵橋在巨津州北一百三十餘里跨金沙江橋之建
或云吐番或云隋史萬歲及蘇榮或云南詔閣羅
吐番結好時置吐番嘗置鐵橋節度後異牟尋歸唐
與帝臯合兵破吐番斷鐵橋即此所跨處穴石鑄鐵
爲之冬月水清猶見鐵環

東員橋在府東南五里跨清溪源出雪山以石爲之
廣南府

西安橋在府西三里舊架木橋萬曆二十六年土舍
儂應祖易以石

通津橋在府西五里萬曆三十五年建

順寧府

遵化橋在麻陋缺村歸義橋在回中村永安橋在舊府北又五里爲迎恩橋

福黎橋在府東二里祝嵩橋在舊府東五里順寧河中流鬼位橋在府北九十里右甸河

靖遠橋在坪裏村南順寧河長七丈濶二丈

柳春橋在府北水自鳳山下瀉上有瓦屋

藤橋在阿鐸河河水東注土人構藤爲橋以濟往來浮橋在蘭滄江上每至正月郡人編竹爲之長十五丈廣五丈人馬經之如臥虹之狀

長寧橋在新街南一里阿魯使泥河

西添橋在西添河 溫馬罕橋在溫馬罕山下

枯柯橋在枯柯寨界永順間建一倣蘭滄橋制

太平橋在州北門外舊爲賊燬今仍其址新之

永寧府

開基橋在府前天生橋居其上流

海門橋在府西通四川打冲河連川江橋外鹽井界

大橋在把丘萬曆二十四年建

北勝州

來薰橋在州南又一里爲長安橋又二里爲太平橋
又五里爲觀瀾橋一百五十里爲三渡河橋二百里

爲濟江橋一曰通江二百五十里爲桑園橋在州治東曰碧溪橋

大河橋在州北五里又有通川橋其水入蜀江永安橋在州西二十里

宮室

宮室或出城樓或出寺觀或出公署於城於寺觀
於公署附見可已而特加標表蓋見作者有情識
不忘乎後有好奇如王右軍以南中城池門屋樓
觀廣異聞者可舉以復乎古昔守令或露冕行春
或首民耕斂是獨無居處乎又上焉籌軍而謀之
採野風而貢之國征賦存乎民力先以觀其生息
刑政清於暇日先以詢其疾苦於是焉承卑宮之
德意揚同樂之仁風縱心游目亦爲政者之所不
廢也類中亦有附見於別類者貢院爲取士而設
故附建設書院以講藝社學以教鄉閭故附學校

射圃附學使署中武館先年設於南郭外之右百
武今廢仍志其故址以示存羊之義

雲南府

接官亭三一在府城東五里凡迎

詔勅俱於此故其坊表曰迎恩一在府城西五里以
應寺右一在府城南五里二忠祠古今圯

聚遠樓在五華山寺內曰本僧曇演建以一覽滇南
之景而名都督沐昂重修

敬思堂在府城中西平侯沐英建學士王景常記

思召堂在太華山寺內有西平侯沐英遺文滇人思
侯如周人之召伯因以名堂

栖鳳亭在黔府內總兵沐崑建

空谷亭在桂香閣左巡按陳察建

鳳翥樓在空谷亭後巡按劉翺建

雄川閣在南壩下

二殊堂八鮮亭俱在東寺左巡撫周嘉謨巡按鄧漢

同建 見奇亭在圓通寺內海曙亭在羅漢山俱巡

撫周嘉謨建

信美亭在螺山頂巡按鄧漢修

平遠樓卽南城樓 若華樓卽東城樓

凝碧樓城東南隅

西爽樓卽小西門樓以上俱巡撫周嘉謨巡按鄧漢

題風景各殊無不可愛噫岳陽黃鶴仲宣滕王之名
到今稱之無小無大在人表張何如耳

鐘樓在平遠樓之右每晨暮鼓鐘相應鐘有神焉其
詳具雜志

遙岑樓即北城樓前廵撫王公啟碑可據升菴公春
興詩遙岑樓上俯晴川即此結聯云虛擬短衣隨李
廣漢家無事勒燕然鳳洲公以爲絕唱

縹緲飛樓在太華山黔國公建

豁襟樓在三華山萬曆丙子年建有錢塘顧言詩

後樂軒天順八年建

悠然軒成化四年建俱在三華山

可留亭在玉案山泰昌元年建

大理府

蒼山勝槩樓在府西北三里崇聖寺創自唐貞觀間
叅政石簡資事王惟賢重修上縣鳴鐘唐咸通間鑄
般若臺在勝槩樓北有李陽水般若臺三字

翠華臺在府城北蘭峯無為寺萬松鬱鬱舊為元世
祖駐驛之地

仙樂臺在府西帝釋山

寫韻樓在府西南蕩山成都楊慎流寓著六書轉註
一時間字著召其居

襟山帶海樓在城中央上有鼓漏每六月星回節城

外萬炬縱橫爛如星海

天風海濤樓一名浩然閣在城東八里洱海祠前副使羗龍建

大觀樓在城西一里許嘉靖丙午知府蔡紹科建定風樓在三塔寺風伯祠僉事彭謹建

五嶽樓在三塔寺後李元陽建

問俗亭在城西中峯之麓知府楊仲瓊建

混混亭在龍尾閣西嘉靖癸未兵備姜龍建林懋蔽
廊水石輾轉谷中有李將軍祠為唐臣死事者南詔
祀之天鏡閣在洱河東岸

占文閣在城西南七里玉局峯麓每星回節峰頭有

自然火炬出焉以其多寡占科第中額之數

鳳嬉亭在趙州鳳儀山後一州城郭廬舍田渠皆可

俯視 秣駒亭在州南五里知州潘大武建

海門閣在州北八里見風艦出入島嶼中

懸崖閣在雲南縣北九鼎寺攀鐵絙而上在天梯石

塹間

玉泉亭在鄧川州北三里有溫泉視他泉更清徹叅

議楊南金建亭其上

湧泉亭在賓川州西南地曰賓居龍祠之左水清林

碧堪以避暑

中流砥柱閣按察使熊鳴岐建

臨安府

尊經閣在府儒學明倫堂後知府賴英建貯經史諸書於上

惠宣堂在府後知府陳禮建翰林侍讀學士王直記
居敬堂在臨安衛後指揮萬賓建翰林修撰陳循記
吏隱堂在兵備分司弘治十四年副使王一言建今
改為籌邊堂

文星閣在府學泮池南萬曆四年知府昌應時建
環翠樓即府城南樓平時綠畦蔥蒨有致兵憲鄒輓
扁曰河山一覽

望京樓即府城北樓與郡南樓對對郡中山林歷歷

目前兵憲李瑞題

半間亭在府城東東林寺內知府張士元省耕于此
題曰此心到處祈民福何日空門結淨緣

禮賓亭在府城東關外五里知府瞿霆建章士元修
大興樓在河西縣天順間典史衛綱建懸大鐘於上
有警鳴鐘以集衆

永昌府

勅書樓有二一在兵備道一在府治

安遠定遠樓在城南高五丈有奇括蒼王景常記

一鑑樓在龍泉寺東俯臨易羅池兵備邵天和郭春

震相繼重修

鐘樓在鎮南門西鐘重千斤相傳爲漢時遺物聲聞
數十里

看山樓戶部侍郎郡人張志淳建一望收一郡之景
吟風亭在太保山顛萬曆十六年兵備李村建

明詩臺在府城南隅郡人張含長於詩築此爲自適
之所修撰楊慎題

濯纓亭在易羅池西 偕樂亭右濯纓亭右

華光樓在昇陽門外 鍊樓張含讀書之所

鐘鼓樓在騰越州東洪武間建

萬華館在州東南八里叅將鄧子龍建

龍光亭在州疊水河濱 覽勝亭在來鳳山東

德化樓在永平縣南 溫泉亭在曲洞村

鮮甲亭在鎮姚所城北五里萬仞山巔鄧子龍建

楚雄府

思政樓在府署內 崇慶樓在府南洪化間建

講堂在府城南鴈塔山麓萬曆間叅政李材建

桂香樓在府西洪武十六年建

東臺在府城內弘治元年知府邵敏建

鐸風臺在黑鹽井弘治十六年築

雍熙樓在定邊縣北 太和樓在縣南俱洪武間建

迎恩樓在鎮南州東 威遠樓在州西俱景泰間建

曲靖府

儲清閣面有亭有沼碧流環繞宏敞清秀巡按鄧漢
修建 吟嘯樓在城東一里許

臨漪樓在城北下瞰蓮沼

進賢樓在明倫堂後巡按劉維建

武侯閣在城北四面荷池中建爲閣

澂江府

清風亭在府治內 一鏡亭在華藏寺內

豐樂亭在西畧龍泉季春修楔之所

湖山亭一覽在鳳翔寺在

蒙化府

拱極樓在府治北門 鎮威樓即府治南門

凝秀樓在城中央四山環之萬曆二年建

文筆樓在城南與學宮對峙

鶴慶府

文明閣在儒學後有臺高三丈知府周集所築年久傾廢嘉靖四十五年知府周贊因舊址重建

凌虛閣在府北八里知府馬卿建

鐘樓在府南玄化寺前元時建洪武十五年普顏篤叛縱火燔樓雨降而火滅

清涼閣在府南一里閣下有池水色清碧中累石山外列欄楯前架小橋

姚安府

聚遠樓在府東百武許弘莊高敞全郡在目

松羅小憩亭在府西

坐嘯亭在府治內知府楊汝允建

廣西府

阿盧洞亭在府西五里阿盧洞前洞深邃莫窮中有

雕欄寶塔鐘鼓獅象之異

尋甸府

時雨亭正德七年知府戴鰲修

武定府

志善亭在獅山寺左奇巒突起可供遠望同知鄧世

彥建

凌泉亭在獅山頂傍有古松二株龍影虹形藤蘿百丈
巡按劉維建

躍龍亭在泮池左池中置菡萏菱菱四圍堤柳

文光亭在正續寺左俱知府劉懋武建

景東府

覽泉亭在衛城 短亭在通華河之北

新城書樓在書院內萬曆十五年通判尹學孔建

順寧府

瞰川樓在府西南半里遠瞰平川水色山光相映

響景亭在府西三里陶家園水竹環亭下

北勝州

柱香樓在州學內學正王朝臣修

古蹟

善矣莊生之言凡非我有者皆委也一身且幻乃孜孜焉討古人之陳蹟曰前代謀臣所經畫名將決塲所百戰幽人志士所徘徊不能去所評題以及開士大士神變莫測之理高僧羽流卓錫還丹之處亦有神謀鬼謀如所云石可動不可轉一釜可受米甘斛又不知所以竈推此類也可入攷古圖亦可廣博物志然而得之前二志者五得之郡縣謀志者三得之故老摭之他籍者二即採摭不及先秦西京矧曰上古奚若是長長乎難哉地幽鬱於前時而事無傳於正史也不及今爲之地恐

後先相視歎惜等耳

雲南府

穀昌城址在府北十餘里亦名苴蘭城楚莊驕築

黑水祠見漢書地理志云滇池出鐵有池澤北有黑水祠

諸葛碑在府東二里舊漢營唐廣德初鳳伽異築柘東城得之其文云碑即仆夷為漢奴夷畏誓常以石措梧今廢

白蜎山見南中志言滇池有神馬與馬交即生駿馬俗稱曰滇池駒日可行五百里水神祠祀亦有溫泉如越嵩溫水又有白蜎山山無石惟有蜎也今無考

優曇花樹在城中土主廟內高二十餘丈枝葉叢茂
每歲四月花開如蓮即木蓮花有十二瓣閏歲則多
一瓣占花多寡可以卜歲蒙氏樂誠魁時有神僧菩
提巴波自天竺至以所携念珠分其一手植之

雙塔在府南覺照慧明二寺唐蒙氏弄棟節度使王
嵯巔建

慧明寺佛殿梁上有字紀唐重修年號

覺照寺萬曆乙巳折其屋修之瓦甚大連椽處無釘
頭以藤繫束蓋唐時所並建

官渡古碑在府南二十里蒙氏摩訶差與三十七部
諸蠻會盟之

爨王墓碑在府東一十五里題曰大周昆明隋西爨王之碑成都閭丘均撰文洛陽賈餘絢書丹

梁王宮在府城中元世祖封其中忽哥赤爲雲南王又復封其孫松山爲梁王傳至柏匝刺瓦邇密建宮於此

國初卽其址爲

岷王宮後移封武岡宮爲長春觀萬曆壬子巡按御史鄧漢提學叅政黃琮移孔廟於正殿建府縣二儒學於左右

尊皆像在府南覺照寺壁間元大德間所繪梵僧奇古筆有生意上題尊皆名繫以倡嘉靖間肆中恒有

異僧市蔬食莫知其踪有黔首尾之至寺忽不見視
壁間像儼然如一後不復出

土主廟碑有二在府城中一爲土主聖德碑元至正
壬辰年立雲南諸路儒學副提舉王昇撰一爲重修
碑宣光二年立食雲南諸路肅政廉訪司事邵陽文
渭興撰

金馬關城遺址在府東七里許

玉女城遺址在穀昌城傍俱元梁王築

廢文廟遺址在府南魚課司巷初南詔以王逸少爲
聖人建學祀於此後賽典赤始立孔廟於城中

梁王避暑在府西羅漢山

梁王堆郡城外老崔橋歸化寺諸處俱有之昔有人發之得古匣

蠻王寨在府東六里許地名大廠址猶存

廢梁王廟遺址在府城西如應寺側梁王自沉滇海
史老立廟祀之至嘉靖中廢

廢官渡縣在府南二十里即今官渡里

白塔在府東三里穿衢而建昔為南華山萬慶寺寺
今廢塔存

穿心塔在府南二十里官渡里昔有螺精為患建此
鎮之周遭刻梵書

梵字塔在府東地藏寺相傳梵僧封邪魅者周遭皆

梵字上覆以闍音人折其頂有黑氣直指而出因封之如故

古鼎魚者得之滇池中今置藩司土地祠前其形方外範龍王像書大方廣佛華嚴經七字蓋前代以函經置水中爲厭勝者

半截佛在府南覺照寺不知製自何時每旱出其像令人戴之導迎諸佛之前相傳海馬皮所作曝之則致雨今俱散失

仙人奕棋石在府西玉紫山有石若碁枰

諸葛營在宜良縣南小石嶺武侯設營於此又名諸葛山

羅部城址在羅次縣北

天女城遺址在晉寧州西晉寧夷較尉李毅女秀代
父鎮築

古土城在州西北隋刺史梁毗築有九門十二衛今
所存惟陽城堡

廢晉寧縣址建自唐武德間後蒙氏廢為陽城堡今
尚有居民焉

廢大甫縣址在州南二十里元至正間建

龍馬跡在州東三里海溪山傳聞滇池產龍駒晝見
於山夜入於水按晉史孝武大元中寧州刺史費統
言滇池有二馬一黑一白出入水中人民董聰見之

即此

牛戀鄉在州西十里昔有異人牧牛滇池之濱牛夜入水戀草思難鳴盡化為石至今石在水中儼若牛形因以名鄉

神犬石相傳阿育王子至德追龍馬至落鐙山以神劍斷山嶺有神犬二皆化為石至今遺跡存焉

瑋花樹在州天王廟前芳於冬序三彩相間謝時葩不著地土人以為神不敢折

伽宗城址在呈貢縣西段氏時土官伽宗築因名

江東城址在安寧州東南 青龍城址在州北

驢琮籠城址在祿豐縣東北 巔哀城址在縣南

廢河西縣址在昆陽州河西鄉元至正間置

山亭記碑在縣西七里昔智圖建亭為遊觀之所僧

楊子雲記

河東州城址在慈蒙臥山之東俱三泊縣

盟蠻臺在嵩明州南

舊志云武侯南征至此與蠻盟築按元史沙札臥
城烏蠻車氏所築白蠻名為嵩明昔漢人居之後
烏白蠻強盛漢人徙去盟誓於此因號嵩盟州南
土臺盟會處也不知孰是

金城在州西南漢時築

集興籠城在州南相連有梅堂阿葛籠蒙琮籠白籠

諸城週迴數十里俱南詔楊祐所築

廢楊林縣在州南三十五里元史城東門有石如羊形故又曰羊林塘有羊林部落即此地

廢邵甸縣在州西四十里俱元至正間置

大理府

畫卦臺在蒼山龍泉峯下昔武侯屯兵於此草莽中得石刻伏羲像因作八卦臺祀之

天威遲凡龍關以西皆是孟獲對武侯曰公天威也南人不復反矣故曰天威遲有高駢過天威遲詩千尋塔在崇聖寺上有錢鏐款識云貞觀尉遲敬德監造正德九年地大震塔裂旬日復合

銅柱唐御史唐九徵遵洱河尾而西見吐蕃築城以
鉄絙渠渡漾濞越點蒼徵夷城毀絙立銅柱而去
五華樓址在府城中央唐大中時南詔豐勸祐建以
會西南夷十六國方廣五里高百尺上可容萬餘人
元世祖征大理駐師其下至正間重修

國初兵燹始廢

轆角莊在府城南二十里昔南詔神武王有女欲自
擇配倒坐牛背任其所之即嫁焉牛至一委巷左右
側角而入遂嫁其家老媪之子王怒絕女後其壻於
樵採處得金磚無數盡負而歸作金橋銀路以譙王
王大悅嘆曰真天婚也人因名其地曰轆角莊言牛

方入莊時角如輾轆轉也

大石業在府北十三里永徽間大士楊波遠為迦葉供設之業長丈六闊六尺厚二尺許

晒經坡在蘭峯無為寺之上廣三百步不生草木唐三藏法師晒經處

洪鐘在三塔寺樣唐咸通時鑄製大而雅聲遠而洪國初中官錢能見而嘆曰此物宇內罕有恨山川阻隔不能致之宗廟耳

刻石巖在沮河東岸鳳伽異欲刻碑國門取材於此今碑跡猶存蓋下臨萬仞之浦為力最難處

石乳巖在蒼山茫湧溪上有滴乳石高智升初生時

曾棄其下石乳入其口數日不死始收養之

逆水浮板在城中東南隅大悲寺唐末有一木板在南門溪流逆水浮三里許人異之取視板上有觀音像繪綵如新因奉祀之成化間雪深七尺城中烟火俱盡人於像前香篆得火云

南詔碑在太和城唐瀘縣令鄭回撰文

平雲南碑在城西元世祖駐蹕之地元大學士程文

海撰文

平章碑在城西北蒼山應樂峯元學士文渭興撰文

金剛城在佛頂峯麓南詔雲南王築

南城城遺址一在河尾里一在閩邑里一在太和村

一在北國一在蟠溪里一在塔橋一在摩用皆為儀
吐番而設

玉手碑在瑞鶴觀僧念菴書今存證道歌刻石四片
念菴右手自腕至掌瑩明如玉故號玉手

玉磬碑在蘭峯無為寺汝南王記

桂棲在蟠溪楊輔讀書處居有桂樹其下有瘞退筆
之塚

白虎墩在城南十里蕩山感應寺昔有僧在寺厨炊
黍見白虎入厨急以甌糜擲之繞其頂而虎遁明日
見佛寺左尊者像有糜在頂取視之卽甌糜也寺廢
墩存故名

婦負石亦在府南十里陽和鋪昔漢兵至葉榆境上
耀兵而入觀音化一婦人以稻草縻一大石背負而
行將卒見之相顧吐舌曰婦人力如此況丈夫乎戒
勿露刃但畧其地為葉榆縣置吏焉

天橋在府南三十五里觀音大士鑿洞山骨使洱河
水下趨處也下斷上連絕壑深塹石梁跨之憑虛凌
空僅可度一人故曰天橋

觀音放龍處地名馮河在蒼山玉局峰頂之南相傳
昔有黑龍為患大士請佛勅放之使冬春居雪山夏
秋居溫泉備極寒熱今二至時每多雷雨是其往復
也溫泉在龍尾關西

石馬泉在府西水味甘冽源出西天竺楊莊介公刻
禹碑於其上

羅扇井在府西大抵坊羅扇童子從中出事具仙釋
師利達多語中

王母坪在蒼山中峯左支約十畝世傳王母八仙曾
降於此老人戒其子孫勿牧牛萬曆間立碑紀其跡
無渡雲在玉局峰上每此峰雲現即海浪泊空人不
敢渡

羅刹石封在府北三十里上陽溪谷口有方石如樓
建寺其上傳為大士開羅刹處

觀音石蹟在府北三塔寺之南石上有楊輔八分書

志之

風孔一名風輪孔在三陽峯茂源之上風從孔出全人肌骨如冰

日課巖在洱河東北青巔山下有飛石低巖一步石面可三尺許昔有僧慈濟日於石上課百拜以爲觀心之助後道成化去

妙香城見釋氏統紀佛與觀音傳道處

香巖佛蹟在中峯之半香氣逼人不知所來傳爲佛苦行處

葉榆河古刻不知作自何人東巖上有十四字云此水可當兵十萬昔人空有客三千漢兩司司皆至此

孔明鐵柱在趙州南百里地名白崖孔明既擒孟獲歸至白崖紀功立鐵柱歲久剝泐至唐咸通間張樂進求等思武侯之功重鑄鐵柱合酋長九人祭天於柱側是日有五色鳥集於鐵柱頂之集蒙舍詔細農樂左肩經十八日乃去衆以為天命所歸樂進求遂遜位農樂衆立之為興宗王是為蒙南詔

孔明故壘在州東北三里九龍池山頂遺址尚存

建寧縣城在州南即今迷渡市武侯南征置建寧縣時築

孔明印在定西嶺兩巖間刻文印篆傳為武侯所作唐城在州南十九里唐李密築

彩雲城在白崖西山下即一統志所謂文崇洞城也
白國主張龍佑那築

安東城在州東二里蒙氏僞封安東將軍李專珠築
御井在州北十五里元世祖癸丑歲駐蹕此地時天
旱軍士皆渴世祖禱神以劍插地清流湧出遂名御
井有元楊庭御井亭記亭碑存

元世祖故壘在白崖南七里許

鳳栖木在白崖赤水江有古樹二株昔鳳栖其上至
今日哺鷹競朝之

力士營在雲南縣南九里武侯駐兵之地

鏡州舊城在縣西南唐置鎮夷即等六縣遺址尚存

廢城在縣東南唐置勃弄匡川縣屬雲南郡今廢
地符石在縣西三里石上有鳥篆赤如丹砂人莫辨
龍馬跡在縣南十五里地近青龍海之西畔石上有
馬蹄跡一人足跡一犬足跡一蓋大士神化之地

諸葛寨在鄧川州東三十里獠厓洞南山頂有石牆
遺址相傳為武侯一縱孟獲之所下有龍潭石壁上
有龍形仰觀日月星辰之紋人馬揮馳之狀層見疊
出如雕刻然孟獲所據銀坑峒即此

德源城在州東昔鄧賧詔居之南詔強盛以星回節
召五詔爲會詔妻慈善止勿往詔不可臨行遺詔鐵
釧後五詔俱被焚惟慈善以鐵釧解夫骨載歸南詔

以其誓欲聚之不從遂餓而死南詔悔之表其誠曰
德源城

漢廢縣在浪穹縣南漢置名鳳羽縣今名鳳羽鄉
鳳凰臺在縣北二百步施之詔築

天鼓石在縣西山半平處有石高四尺許方尺有五
寸段氏時有高僧嘗鑿其底為孔欲函已骨及茶毘
日有天鼓鳴

三營在縣東南三十里蓮花山下元世祖自石門關
入取大理見蒙茆和為吐番喉襟之地留達軍三百
戶以鎮之因名

古柏亭在縣東五里元成熙初造今亭廢柏存高九

尺許輪囷如蓋

觀音巖像在縣西洛馬井江邊蒼巖百仞中現白衣
觀音像左手提籃右手拄杖若將縱步然

占農石在鳳羽鄉有石竅中藏一蛇見首則年豐見
尾則年歉見腹豐歉半之

龍馬洞在蒲陀嶺南深不可測石壁上有馬跡見存
漢遂父縣在賓川州金沙江東北古稱白門蓋入雲
南郡之門唐劉灣詩曰白門太和城往來一萬里
諸葛城在州西二里虎踞山

王尊坂在金沙江東北巖畔有九字王尊叱馭之坂

張叔書

張叔不知何許人王尊坂在印部不知此書何據

迦葉門俗呼華首門在州雞足山頂迦葉渡入定之地唐南詔永貞間有僧小澄者乞食城中及還仍向寺中問食僧曰汝住城中來乃不裹糧卻至此欲食耶小澄遂走叩迦葉門門訖然中開及二僧追呼至則石門閉矣二僧悔恨焚身門外焚處至今生柏二株

八功德水在雞足山巔迦葉於石山卓錫成泉涓流不竭

馴虎澗在雞足山兩巖峙立霞圍霞集昔迦葉馴虎之澗

張大王廟在州賓居甸中白古記云昔大王佐觀音

平羅制之害觀音命王日享三百餘祀後王苦祀煩
食多病飽觀音命於廟前掘香附子食以消之其說
怪誕然今廟中有香附子其大如棗他產所無也

石中杖屨在雲龍州左正德間土官段文顯宴坐有
一老人鬚眉皓白者謂曰丹戛山中某處剖之可得
靈異語畢忽不見文顯異而剖之果得鐵杖一鐵屨
一因建寺像老人祀之

金雞巖在州順益山巖窟中有一白石形如雞巖下
有石龍半身鱗甲爪尾皆具相傳龍一夕將飛去因雞
鳴遂遁入巖中雞龍俱化為石

仙人晒丹處在舊州南七里高二尺周匝可二十丈

每雨過有蚊蠅跡赤如丹砂拭之愈明相傳為昔仙人晒丹處

臨安府

曲江城遺址在府北臨曲江有二其一築於漢其一築於蒙氏

段氏古城遺址有二一在府西蓮花池一在南山寺楊知州莊在府東南五里元知州楊和居此考其族裔尚有存者俗呼楊時莊

讀書臺在府文廟邊地勢高起如臺洪武中學士王奎鄧御史韓宜可謫戍時常講業於此訓導趙子禧構亭其上

將臺遺址有二一在府西北左方伯駐兵處一在白
鶴鋪前定遠伯沐昂駐兵處

砌碌石在石屏州西秀山蠻語鹿為砌石為碌其石
高七尺左右各一石高四尺如犬逐鹿之狀

龍馬蹄石在州西百餘里高四丈圍六尺有龍馬蹄
跡傍四小石呼為風伯雨師歲旱禱之輒雨

廢末東城在州異龍湖三島山一云在空斷山
古城在寧州三里武侯築

寧海府故址在州西三十里大雄寺傍今名舊州
西沙縣故址在州西二里仁善坊內

三異石在州西十里一類人足一類硯池一類蒸槃

楊廣城遺址有三俱阿迷州地一在通安才前一在
坪鋪一在石頭寨田間宋狄青將楊文廣逐儂智高
時屯兵於此

合江石在州東三江口儂智高由此竄入大理

火井在州下村井口常如烟投以蒿即焰

傳聲洞在州西南二十五里集甸境洞口石如席有
一小孔以氣噓之如吹牛角聲可聞半里人以到輒
有蛛網封之

石觀音像在州西五十里安邊哨觀音洞內

漢句町縣址在通海縣北即守禦所城蒙氏置都督
府段氏置節度使改秀山即又為通海郡元立宣慰

司總管府俱此地

廢臨安路在縣北五里

舊土城在縣東五里先年寨長王智所築以禦諸蠻
者廢址尚存

仙人趾在縣東南二十里沙人每晨有數人跡亭午
或人掃或風吹即不見至明晨其跡依然

石笋在縣東北二里世傳僧畔富以杖洩水之處有
棹楔表玄竅通湖

古城址在河西縣東北一里今存古栢一株甚森秀
元帥府在縣北三十里又名曲陀閣又曰萬松營元
至元二十年建皇慶延祐間人物繁盛市肆輻輳泰

定乙丑建學立帥至正壬午述律元帥立卧龍祠武
安王廟後因兵燹遺石碑故址種桃至今成林
龍馬槽寨在縣北五十里

古城在崕岷縣有二一在縣西怕念鄉元百夫長居
之一在平甸鄉梁王備兵之所遺址俱存

廢平甸縣在縣西北七十里平甸鄉

崕倪寨在縣西北四十里

廢節川縣在縣西北九十里節川鄉與平甸鄉同廢
廢龍華寺在蒙自縣西北二里

石杆曰在縣東三十里猪市屯土人戲春之不可動
風洞在納樓長官司二十里東四時風自洞出人不

能近

魚洞在司東南二十里每春有蝦長五寸餘色丹而肥俗呼曰仙蝦

羚羊洞在司北中產礪煉銀高聳處有羚羊飛石稜層人不可到世傳有仙

永昌府

哀牢縣址在府城太和坊之東為元永昌府洪武中以其地為中千戶所軍營

不韋縣址在府鳳樓山下

諸葛營在府南十里武侯屯兵之所及還漢人遺此者聚族而居至今呼為舊漢人

旗臺在諸葛營前小海子內武侯豎旗之所土阜一區周三十餘丈隨水高下雖巨潦亦不能浸

諸葛井在哀牢山其上一巨石傍有水謂可飲千人叅將鄧子龍屯兵曾居其地良然

諸葛燈出諸葛井中土人於星夜常見火光如燈糧堆所在府東南山中墩阜甚多武侯於此覆糧於上以示夷寇蓋後人唱籌量沙之意

保山斷脉卽府太保山接脉處昔武侯過此地掘深三尺以鐵物間之

將臺并立釧石俱在金雞村溫泉之北臺高丈餘廣倍之釧石高五尺周一丈許俱蜀漢呂凱建凱卽金

雞村人

古軍書臺在諸葛營之東舊傳有晉王羲之所書碑刻故名今碑廢址存

極樂堂址在府東七里和時村

舍利堂址在府北北三十里木瓜村俱蒙氏時建

光明井在府東五里唐大曆中井傍常見三角半四角半足雞中有火燭天

萬箭樹在府天井山北段氏時撲變為盜出沒於此行者射其樹厭勝之樹高五丈餘箭集如蜩

明義軍萬戶府址在府清寧坊之東後為左千戶所

軍營

四川軍萬戶府址在諸葛村後

蒙古軍千戶所址在金雞村後

回回軍千戶所址在法明寺東南後為中左千戶所
軍營

蠻獍軍千戶所址在中正坊西後為右千戶所軍營
俱建自元

國初廢

越甸縣址在騰越州西南冬甸又有順江州古湧縣
俱在甸內

鎮夷石堆在州矣羅山後高丈餘孔明屯兵處

子午石在巡羅廟東

濟旱石在州金輪寺石圓一尺有半蒙古時竺僧摩伽陀所遺遇旱以此石投龍井卽雨

龍馬槽在州北百五十里江中有石如槽舊傳南詔時龍馬飲於此

龍馬窩在州北七里人嘗見烟霧中有物逐馬走如飛後村中產駿馬因以名之

羅密城在州北三十里夷酋所居壕塹猶存

西源城址在州西山平原中二里有城及衛井遺址土城址正統以前舊城也在今城西北土主廟街後塲後遺址高二丈許長三十餘丈

滾鐘溪在州南十里寶峯山山頂古刹有鐘重萬斤

一夕風雨鐘陷溪中或曰有龍移之今鐘鈕尚見草皆下生

尚書宮在州北三十里靖遠伯駐兵處

金塔坡在州北二十里干戕山之北昔有異人修煉於此至今無蚊蚋霜雪

博南縣址在永平縣江東村

打牛坪在縣北七十里武侯南征值立春日鞭土牛於此驛名因之

閔索寨在縣東五里下有洞首尾相通樵牧者嘗聞洞中有戈戟聲

大銅釜在鎮姚所南八十里其釜有二每釜可注水

三十餘石

雁草坡在所全勝關南叅將鄧子龍敗緬軍處緬人崩潰而下至今草生不能上指

黑水在灣甸州南數十武每歲五六月水自地湧出人馬近之則病飲之則死土人用甕浸水中久之取出絲毫可以殺人每當水出時人畜俱不敢近俗傳孔明南征至黑泉即此

楚雄府

卧龍岡在府西五里以孔明過此亦寄卧龍之名

德江城遺址在府西北二里宋高昇泰封其姪量成時築今廢

仙人蹟在府西十里觀音山巔大石上有巨人蹟

響石在雲泉寺擊之嘹嘒有聲中使錢能取去

阜民城址在今阜民村

和子城址在鎮南州東一里閣羅鳳伐東巖侵峨嵋
取此城今存

仙人骨出州東南山中有碎石如硝掘而粉之可以
療疾昔有人識稱為仙人骨云

瓦戕吳柵在安南州東南山顛稠疊內一峯竦秀林
麓四周其頂有泉昔黑巖蠻祖瓦戕吳立柵居其上
子孫漸盛不隸他部至高氏封庾楚方隸焉

諸葛營在定遠縣有三一在磨槃山一在羊牟山一

在光法山

仙人山在長林山內相傳有仙化為此山

自父寨在縣東紫甸鄉

國初寨酋自父據險犯順官兵俘之獻京師

上呂誥曰如何拒官兵對曰奴為主耳善其對授燕
山衛指揮世襲

馬蹠痕石在廣通縣西清和鄉鄉有崇巖巖畔有石
池泉香而甘上有六七馬蹠痕或磨鑿之經宿其痕
仍在

湯園箐在縣西四十里翠屏山昔武侯駐兵於此為
臘月念四日軍民多楚人以湯園祀龜食未盡皆傾

之箐中至今有湯園石云

金龍箐在縣東昔官兵剿者納時有疾風猛雨自箐南來遂敗者納擒之傳為金龍助陣

丙龍巖在碓嘉縣北十里巖高數丈下有水源自景東流出滾滾有聲世傳此巖有龍潛焉

蛟砮石在縣西五十里上江河吊索洞每春暮雷雨有老龜據河石吐涎石上土人先炊熟飯甌急取涎蒸之皆成砮砮名蛟砮火緩則化為土矣

千戶所舊址在縣東臥象山元泰定初建屬景東路武侯臺遺址在定邊縣東五里劉昇村後

石佛在縣南六十里石洞峭洞在懸巖峭壁間有石

像端坐洞中

曲靖府

漢李元禮碑在府南一里上刻篆書漢元和五年閏
四月十五日漢李元禮等字餘莫辨傳為李膺遺党
銅流妻子門人於石門郡

八塔在府東五臺山下武侯建鎮地脉

雙井在府北關一井兩竅武侯鑿

石城碑在城北二十餘里昔段氏與三十七部諸蠻
盟時立

舊南寧縣址在府西十五里三岔平川中古址尚存
洗研池在府南負金山下水黑如墨

鉢盂泉在府南三十里真峰山泉出石中盱不涸雨
不溢

石羊在府西北二十五里其形如羊相傳有人暮見
一羊食禾追斬其首次日往視石羊無首

西平州古城址在露蓋州東二里

廢石梁縣址在州東北五十里元至元中置

廢交水縣址在州南二百三十里其先磨彌部酋蒙

提居此名陬籠城從為大理國高護軍所奪元初置

交水縣

廢羅山縣址在州東南一百二十里平夷鄉落蒙山

元初置

南昌城址在陸涼州西南中涎澤尾

水柵義城址在中涎澤中洲上南有騎思籠城

廢芳華縣址在州西四十里昔落溫部之地蠻名忻
歪又名部封元置芳華縣

廢河納縣址在州南八十里蔡村蒙氏時置陸郎縣
後併於落溫部元初置百戶至元中改河納縣

耶城尚潰城俱在馬龍州東南

廢通泉縣址在州西四十里本槃鉢商納垢之孫易
陁分居其地元初為易籠百戶後改置縣

方圓塔在羅平州西南羅甸村一方一圓俱元梁王
建

舊越州址在越州衛北二十五里石堡山西元時置
仙台洞在平夷衛樵者聞有奕棊聲

澂江府

諸葛營在府東十里雲龍山下蜀建興中武侯南伐
拔酋長為用駐兵於此與之盟故其山又曰訂盟山
菜花坪在府西北二十里羅藏山元梁王柏匪刺瓦
避樂之處曾有樵者於風拔木下得銀器一蓋當時
所遺

金雞巖在華藏寺石壁有雞形每有鳴聲米價騰踊
鄉人惡而擊之去其首也

元帝師碑在府東賜溝山

白城在新興州北又有普具籠城普札籠城祿匡城
昌人城玉乞城相傳為漢時築

普舍城休納城黑村城馬橋城俱在州北

畔龍城在州西

白塔在州東山元時建

關索驛驛處在州西卽關索山道險引繩而渡上有
關索廟

撒呂城址在路南州東北一里

達子城址在州東三十里

彌沙城河頭城俱在廢邑市縣高五丈周二里俱漢
時築

古樹在江川縣二十里雙龍鄉北春初萌葉時視其方以下歲自北北雨自南北曠自雨風雨時禾稼登自四圍旱潦仍饑饉臻歷試無爽

蟠坤洞在縣治南蟠坤山西平侯征夷趾至此迷路有緋衣白馬人麾騎而前從之得路北還復見旌幢騎衛列炬千餘張樂入洞中尾之得一石人首肖像祀之今名蟠坤至德靈帝云

神馬在縣三十里土主廟中成化間每夜分有馬犯田間禾鄉人以伏弩中之覓踪至廟見矢在泥馬上後遂不出

仙人跡在縣南五里仙人洞有巨人跡併石牛石馬

石磨杆曰又時作綠竹音

古塔在縣東二里東山之巔天寶二年建

黑柏城址在陽宗縣東三里一名輔納籠城

梁王屯在縣東南慕盤山

天兵討梁王其部酋屯兵陰次溝引水有沙鍋者值
以告絕其水遂滅之又名沙鍋寨今存廢垣二重

蒙化府

盟石在府北世傳張樂進求讓國蒙氏此石曾斂靈
夷王以劍試石驗其靈異祇今石上有劍痕入石寸
許

蒙舍城址在府南即古城村也張氏讓國後所居去

龍岍城半舍在盟石下二里許

龍岍圍城在府南即今雲隱寺塔邊尚有所遺石柱
乃細奴羅自居地

貝忙山後城有十六門亦如太和城龍岍圍之制不
能及也以其隱僻故人罕知之

竹掃寺在府南百里石巖之上有佛焉其地竹稍自
然拂拭無纖塵每早迎佛入城而兩鄉人以竹掃寺
名之非寺也

鶴慶府

諸葛寨泉在府南百四十里羅陋村昔為武侯駐兵
處泉分為二以資灌溉豪有力者欲兼利其水平不

能得

一盃水在大成坡頂不涸不盈昔蒙氏軍過此地渴甚遂拔劍插地得泉

水洞在府東五里象眠山下昔神僧贊陀崛岉以錫杖疏漾共江水也

菩提井在府西南八里贊陀崛岉曾置菩提樹於井上因名

象跪石在府北八里昔元世祖自麗江石關至此坐白象象不能行兩足跪地因名

松貴營在府南六十里賴國公征佛先寨駐此今有公廟

羅武城址在劍川州南十五里唐時築即今瓦窯村
靈佛在州南二里昔蒙氏征摩步渡金沙得木一枝
遂刻為佛號千光如來

德武城址在州南三里廣五百丈段氏時築即今水
寨村

達子城在州南百三十里元世祖駐兵處

聽法蛙在州石寶山南一里巖石壁立宛如梵字中
有石如佛如蜂如蛙或以為聽蛙云

巨人掌在州中山南二里有峻巖名金雞棲石面有
巨人掌跡如翼傷有碑今剝落

金山銀渡在州南二山並峙一赤色如金一白如銀

其地不可耕記之即有凶疫

石明月在州南百三十里石白如輪至夜江水相映皎皎如月

姚安府

始皇先生隱處在府西古姚州茭湖漁燈洞

仙人安公治在金沙江上即古西梁州瀘水見雲笈七箋天地宮府圖

孔明遺壘有二一在府東十五里一在府北十二里嵇肅碑在府西十七里上有天福二字

舊城在府北唐景雲元年御史李知古築

古城在府東山十五里唐刺史張虔陀築

高陀山塔在府北十五里段正興天寶甲戌年建寶
宋紹興二十四年上有碑記之今猶存

興寶寺碑在府西十八里段志興元亨二年立寶宋
淳熙十三年

菩提樹在姚州白塔元兵破大理高太祥死之其族
星散有一女流亡民間不知其兄弟所在因手植菩
提樹以卜存亡既而九植皆茁父之物色其兄弟咸
得焉今存者九族其二族存姚安一族在嵩明一族
在楚雄一族在北勝二族在蜀二族在黔洪武中皆
授土官九菩提樹皆無恙僧家採其實為念珠

雲南郡主碑在州東山慈應寺上篆元康三年並雲

南郡主等字

武侯土城在大姚縣苴却江馬鞍山麓有鍊椿昔武侯開路時屯駐之處

武侯陳圖在左跋江石壁上有人馬戰鬥之形

白鰾石在羊羝江上有白石如鰾首有泉盛旱不涸武侯南征軍人過除夕思鄉武侯指泉為酒化石為鰾以給軍士

方山仙局在縣北百五十里形勢方平上有巨人跡有石碁石盤人有懷碁去者不覺失之次日仍歸其處

石羊即白鹽井昔洞庭愛女牧羊於此有羝舐土因

得鹽泉

廣西府

元總管府址在師宗州東南栢柳洞村

胡營元梁王建大河口矣奄村俱有之

李璜石在州江外阿寧鄉魯石白村李璜奏請改土

設流璫氏不得與州事因避居江外攜師宗一小石

置道傍祝曰如璜為私此石消滅如璜為公此石昂

藏今其石果嶮巖特立

栢柳驛故址今為栢柳村六德驛故址今為阿歹村

英武驛故址在六德驛東百里三驛俱在州中洪武

初設後英武驛驛丞為虎所傷遂廢

石龍馬在彌勒州西南二十五里紅石巖傳云昔有龍馬至此化為石土人視其色之黑白以卜陰晴煉丹竈在州白瀆洞古仙燒煉之所中有石釜或徙而徙旋復舊所置處

石壁烈婦像在州西十里昔有夷婦夫亡遺一子姑逼之嫁不從攜子逃歸母家姑追之至一石傍大哭撞而死風雨大作今壁間有母抱子形

婦化石在州中峭地昔有白夷婦其夫從征久而不歸每至山前盼望後遂化為石

尋甸府

會盟處在易龍驛關索嶺上有石標漢諸葛武侯南

征時會盟於此

廢為美縣故址在府城北三里地名溢浦今存

廢歸厚縣故址在府城西三十里地名易浪浦今存

米化洗馬山在府西亦即里俗傳土人曾據此山漢兵攻之以其無水土人以米花洗馬攻者疑之遂不敢逼

九灣九層城亦在亦即里

廢五華寺故址在府南款莊相傳省城五華寺舊在此

武定府

諸葛故城在府東二里漢建興三年武侯自大渡河
入駐兵於此今存

龍隱臺在獅山之巔孤峯入雲雨石相抱中容數人
昔

建文君曾隱於此遺詩一章又有禮斗石今俱存

武陵洞在府北七十里夾岫西山深不可測有流泉
石人石獸以火照見之不戒語雷雨輒至

三石塔洞在武陵洞西山頂石層層如塔者三內深
三十餘丈有石盆注水不溢不竭中漬一白石狀如
鐘色如玉以墨書之頃刻浸成墨片其石千狀萬形
不可勝紀人語則谷聲如雷鳴

仙人橋在府三十里地名龍三藏澗出嘉鑿門澗邊
有石兩隅擁出相接而成梁

龍吟石在府三十里仁村其石或作龍鳴應為兵
象阿克之役土人先有聞焉

石人在祿勸州掌鳩甸昔有仙翁跨驢至此為石人
所驚仙翁怒拔劍斬之至今身首宛然

廢易籠縣址在州北百八十里倍塲有二水合流繞
之而東昔羅婺酋居之為群酋聚集之所元為易籠
縣址今存

晒經石在元謀縣

元馬塚常璩曰會無縣有元馬河元馬日行千里死

於此遂埋焉今元馬塚是也縣今有元馬祠土人謂
馬為謀故曰元謀

景東府

無量山洞深不可測常有人執火而入遇蝙蝠如斗
怖而返

哈蒲路村洞深二十餘丈怪石森列石鼓石床之類
不勝紀

元江府

石煙在他郎卜左村石砌中通一竅最深杳霏烟裊
晷四時不絕居民禱者以煙所指卜吉凶焉

麗江府

麥踪墨跡在府白沙西蘭巖上皆番字能辨

鐵橋城遺址在鐵橋南今存

雪山門在州東北舊名越滅根閑當摩步吐番之界
險峻天成

大匱寨遺址在寶山州唐麼步蠻兄弟七人居之曰
大匱曰羅邦曰羅寺曰礙塲曰卡頭塲曰當波羅塲
曰當郎將元世祖南征至大理悉內附

廣南府

廣南衛舊址在府城中

順寧府

諸葛碑在猛緬邦鳳山碑文剝蝕不可辨

孟獲寨遺址在府南

賓通州慶甸縣舊址俱在府南八里元天曆元年建
今廢

中阿山銘石正德初土人於中阿山得一石方逾一
尺厚逾一寸上有銘曰襟滄江帶錫河為崑崙山冢
子厥名曰中阿餘字俱不能辨不知出何代

江浮佛像有夷人漁於蘭滄忽一物汴流而上取之
乃大士木像雕刻最古蓋自南海逆流而至者今奉
祀萬慶寺中

觀音接路在阿魯史泥山兩山道絕中有路百武平
直如砥人力所不能及也傳聞大士作目

觀音井在府北九十里此地原無井泉有老人以杖拄地入望見急就視之但見水湧而泉出老人大士化身也

象井在府北二百里昔有白象現此地衆逐之得泉因名

永寧府

勒汲番墩不知築自何年蓋永寧吐番相界處

北勝州

祭鋒臺在州南三十里武侯南征時見山形類虎斬其首祭鋒於此

岷峨城遺址在州南五十里岷峨村蒙氏所築今存

小吉都故寨在州東七里元高祇祥屯兵於此

大德古鐘在大德寺段氏時築

磨崖碑在州東山澗中壁上有磨崖碑三字

程海古碑上書大聖程河妣感景帝蓋段氏偽封也
土人於海墻得之長老言此碑瀝水數十年始乾
程海磁枕昔有漁者網得一磁枕色青碧土人呼為
龍枕每歲驗其潤燥以占豐凶今在龍王廟
觀音像在東山壁上識吳道子作

塚墓

有心哉志地理而以塚墓之述終也埋骨青山累
累皆是惟此族也特筆而具書焉今考其人尋其
軼事或生於茲或宦於茲或流寓於茲或蒙難於
茲無論往代王侯近世賢哲或即國殤而收之溝
壑或取斬艾而築為京觀或與蜚螳同埒或終宇
宙不化或增丘墟之感或寒奸宄之心斯紀誠不
可廢也

雲南府

元梁王墓二一在府西進耳山王名字羅一在安寧
州平頂山

賽典赤墓在府北

本朝王忠文公禕墓在府東二里地藏寺右公被害後其子紳來滇立表識有坊題曰凌霜貫日

都督沐璘墓在府西北十餘里普吉村天順中奉勅葬

遼東巡撫左副都御史李公純墓在府西玉案山兵部左侍郎孫清愍公繼魯墓在府西厲壇前光祿少卿施公昱墓在府西十五里地名朝宗山贈資政大夫刑部尚書嚴公墓

贈資政大夫刑部尚書嚴公錕墓俱在府東六里歸化寺前

太子太保吏部尚書嚴恭肅公清墓在府北蓮峯山
萬曆二十二年

欽遣行人楊繼夔營葬

福建巡撫右僉都御史朱公運昌墓在府東十里麥
冲山

贈光祿大夫柱國少保兼太子太保吏部尚書楊公
情一品夫人蘇氏

贈光祿大夫柱國少保兼太子太保吏部尚書楊公
福山一品夫人蘇氏墓俱在安寧州太保山

四川巡撫都御史張公素墓在安寧州西二十里龍

從山

叅將沐詳墓在呈貢縣東南十里洛龍河界

周河東刺史王仁求墓在三泊縣南二十里有碑銘
歲久字多剝蝕

大理府

天寶戰士塚二一在龍尾閣東一在趙州北天寶中
鮮于仲通及李宓擊南詔敗死者詔瘞之

段赤城塚在府南二十里赤城誅蟒除害人德之為
立墓

元安撫墓在府龍塘里安撫名馬速忽咸陽王第五
子治鶴慶大理二路

大軍封丘在一塔寺後賴川侯取大理時歿亡卒而

封之

汝南王妃墓在府西北雪山永樂間封王於大理妃為民間女姓丁氏

南京都察院協理院事副都御史趙公汝濂墓在府西點蒼山麓

湖廣荊州府知府前翰林院庶吉士李公元陽墓在府西點蒼山麓

楊公懿墓在鄧川州南六里藥師佛嶺南百餘步正統中以給事中從戎卒葬於此

五代悼康墓在浪穹縣南山根村南詔趙善政偽諡悼康沒墓於此

臨安府

元莊愍董文彥墓在城西一里天曆間文彥為威楚路知事死於敗狐之難事聞謚以莊愍葬於此
羣節墓在白鶴舖元末盜起回回刺魯丁等四十一人隱棲山谷中盜負之不從俱被害身首異處經宿復合衆異之叢葬於此

本朝江孝子墓在城北一里孝子不知何里人任本府通判有孝行又順庚申卒葬於此上題臨安別駕孝子江惠墓子聰俊純良立石

南京操江僉都御史蕭公崇業墓在白鶴山

欽賜葬

贈吏部侍郎包公萬化墓在白鶴山

吏部左侍郎贈工部尚書包公見捷

欽賜附葬

郭夫人虛墓在河西縣普應山先年縣令廣西全州
蔣公良之妻疾終厝於此扶喪歸粵西縣人慕公德
政為營虛墓公二子昇仕至南京戶部右侍郎冕仕
至文淵閣大學士公贈禮部尚書郭贈夫人有叅政
朱應登撰蔣公郭夫人虛墓碑

永昌府

漢呂凱墓在金雞村

袁牢夫人墓在袁牢山正德間鄉人掘地得碑志剝

落段中庸撰文

唐杜光庭子墓光庭蜀青城人仕唐為御史將子入南詔子卒葬龍鳳山其名無考

王狀元墓在大寺山時代姓氏無考

元騰衝府知府高泰墓在龍鳳山墓廢有碑甚大輪為八角題曰威武將軍騰衝府知府高泰質清情廉明遠夫人段完貞之墓

知騰衝府孟光寨在城北干岷寺左光四川成都人給事中陳公以仁墓在龍泉門外圓通閣後公字景元廣西宜山人洪武中官戶科給事以罪戍金齒司卒葬於此

本朝都督僉事胡公誌墓在城西九陰山成化間
賜葬

戶部侍郎張公志淳墓在城南黃竹山嘉靖間
賜葬

漢孟優墓在鎮姚所南八十里地名猛波羅

戰士塚二其一在姚城東南隅其一在松坡營南一
里

曲靖府

爨府君墓在府南十里僅有碑額其墓不可考

梁王墳在城南羅漢山有八西南木客山中東北岡
阜皆有之累累不一皆曰梁王墳真偽莫辨如疑塚

巡撫山西都御史唐公時英墓在城北五里白石江上萬曆間

勅賜葬祭

潞江府

元右丞埜剌墓在府北三里缺摩山

臨安路總管段文瑞墓在重珠山

武德將軍閑里伯墓在紫玉山

本朝御史王公昭墓在官南山洪武間流寓

宋丁連然君墓在江川縣三十里北山之麓上覆巨

石有畊者坐於上其石忽動畊者驚異起石視之上

勒丁連然君神道按宋史太宗時有交王丁連然來

朝疑即其人

鶴慶府

貴州巡撫右副都御史彭公富墓在府西坪

冲霄王墓在劍川州羅九驛南有斷碑其事未詳

姚安府

周小卜墓在府城西北小卜楚莊蹻將戰死於姚蒙人立祠於墓

武定府

安慈塚在龍三藏去府三十里

烈婦墓在舊和曲州名氏不可考

廣南府

李公墓在府北山之麓不知何許人以叅政委勘事
卒葬於此又建有廟